



REPUBLIKA E SHQIPËRISË
KOMISIONI I PROKURIMIT PUBLIK

Nr. 1944/ 15 prot.

Datë 26/08/2025

V E N D I M
Nr.1126/2025

Komisioni i Prokurimit Publik, i përbërë nga:

Fiorent Zguro	Nënkryetar
Anila Malaj	Anëtar
Gjergj Mersini	Anëtar
Kreshnik Ternova	Anëtar

Në mbledhjen e datës 26/08/2025 me:

Objekt:

Vendim për mbylljen e çështjes mbi ankesën e paraqitur nga operatori ekonomik “V.A.L.E. RECYCLING” SHPK në procedurën e prokurimit “E hapur, mbi kufirin e lartë monetar” me Nr. REF-49235-05-27- 2025 me objekt: “Evadim, trajtim dhe asgjësim i mbetjeve të rrezikshme spitalore në S.U.O.Gj “Mbretëresha Geraldinë” Tiranë”, me fond limit 18,300,000.00 lekë pa TVSH, zhvilluar me datë 27.06.2025 nga autoriteti kontraktor Operatori i Blerjeve të Përqendruara SH.A.

Skualifikimin e ofertës së paraqitur nga operatori ekonomik “MEDI - TEL” SHPK në procedurën e mësipërme e prokurimit.

Autoriteti Kontraktor:

Operatori i Blerjeve të Përqendruara SH.A.
Adresa: Rruga “Reshit Çollaku”, Godina Nr.6/337, Tiranë (në krah të Gjykatës së Lartë).

Ankimues:

Operatori ekonomik “V.A.L.E. RECYCLING” SHPK me NIPT L28029301Q dhe me adresë: Fshatin Gurëz, afër ish-Kanalit të Acidit, Fushë Kuqe, Lezhë.

Subjekt i interesuar: Operatori ekonomik “*MEDI - TEL*” SHPK me NIPT M12406021M dhe me adresë: *Krujë, Nikël, Qereke, rruga “Nacionale Tiranë – Fushë Krujë”, km 13, ndërtesë private 1 katëshe, zona kadastrale 3096, me nr.pasurie 97/30.*

Baza Ligjore: Nenet 30 dhe 115 të ligjit nr. 162/2020 “*Për Prokurimin Publik*”, i ndryshuar, Vendimi i Këshillit të Ministrave nr. 285, datë 19.05.2021 “*Për miratimin e rregullave të prokurimit publik*”, i ndryshuar, Vendimi i Komisionit të Prokurimit Publik Nr. 766/2021, datë 13.10.2021 “*Për miratimin e rregullave “Për organizimin dhe funksionimin e Komisionit të Prokurimit Publik”, dhe nenit 4 të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.*

Komisioni i Prokurimit Publik, pasi shqyrtoi informacionin e paraqitur:

Vëren:

I

Vlerësimi Paraprak

I.1. Vlera limit e përllogaritur për procedurën e prokurimit objekt-ankimi është mbi kufirin e lartë monetar, ndaj shqyrtimi dhe vendimmarrja do të bëhet nga të gjithë anëtarët, në përputhje me pikën 1, të nenit 30 të ligjit nr. 162/2020 “*Për prokurimin publik*”, i ndryshuar dhe Rregullat e Prokurimit Publik.

I.2. Operatori ekonomik ka prima facie interes në këtë procedurë prokurimi dhe për këtë arsye legjitimohet për të paraqitur ankesë në lidhje me të.

I.3. Operatori ekonomik ankimues ka paraqitur ankesë pranë autoritetit kontraktor dhe njëherazi pranë Komisionit të Prokurimit Publik, në përputhje me kërkesat e përcaktuara në ligjin nr. 162/2020 “*Për prokurimin publik*”, i ndryshuar.

I.4. Ankimesi ka respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

II

Rrethanat e çështjes

II.1. Në datën 28.05.2025 është publikuar në Sistemin e Prokurimeve Elektronike procedura e prokurimit “E hapur, mbi kufirin e lartë monetar”, me Nr. REF-49235-05-27-2025, me objekt: “Evadim, Trajtim Dhe Asgjesim I Mbetjeve Të Rrezikshme Spitalore Në S.U.O.Gj “Mbretëresha Geraldinë” Tiranë”, me fond limit 18,300,000.00 lekë (pa tvsh), zhvilluar në datë 27.06.2025 nga autoriteti kontraktor, Operatori i Blerjeve të Përqëndruara SH.A.

II.2. Në datën 27.06.2025, autoriteti kontraktor ka zhvilluar procedurën e prokurimit.

II.3. Në datën 09.07.2025 operatorët ekonomikë pjesëmarrës në procedurën e prokurimit janë njoftuar elektronikisht mbi klasifikimin përfundimtar të ofertave si vijon:

1. “MEDI - TEL” shpk	15,000,000.00 lekë	Kualifikuar
2. “V.A.L.E. RECYCLING” shpk	17,100,000.00 lekë	Skualifikuar

II.4. Në datën 09.07.2025, operatori ekonomik “V.A.L.E. RECYCLING” SHPK është njoftuar elektronikisht për klasifikimin e ofertave, si dhe skualifikimin e tij në këtë procedurë prokurimi me argumentin si më poshtë vijon:

“- Operatori Ekonomik “V.A.L.E. RECYCLING” sh.p.k, me Nuis L28029301Q nuk plotëson kërkesat e LPP sipas Nenit 76 pika 3 të LPP si dhe pikën 2.1.4 Seksioni 2.1 “Kapaciteti profesional të operatorëve ekonomikë ”Kërkesat e Veçanta për Kualifikim”(KVK) për këto arsye:

Në pikën 2.1.4 të KVK, në dokumentat e tenderit është kërkuar: 2.1.4 Operatori ekonomik duhet të paraqesë: b. Vërtetim që operatori nuk ka masë administrative në fuqi nga strukturat inspektuese të Agjencisë Kombëtare të Mjedisit, në zbatim të Ligj Nr.10433 date 16.06.2011 “Per Inspektimin ne Republiken e Shqiperise”, Ligjit “Për Lejet e Mjedisit” Nr.10448 date 14.07.2011 si dhe LIGJ Nr.10463, datë 22.9.2011 “PËR MENAXHIMIN E INTEGRUAR TË MBETJEVE”. Për këtë pikë Operatori ka paraqitur shkresën Nr.6140/I prot datë 09.06.2025 lëshuar nga Agjencia Kombëtare e Mjedisit, ku kjo e fundit referon se me Vendim të Komisionit të Apelit pranë Agjencisë Kombëtare të Mjedisit, për subjektin “V.A.L.E. RECYCLING” sh.p.k, është lënë në fuqi masa administrative sipas Vendimit Përfundimtar të Inspektimit të AKM “Nr.AKMDQ-2023-00535”, gjobë dhe dënim plotësues pezullim i lejes mjedisore. Ndaj vendimit të pezullimit të lejes mjedisore miratuar nga AKM dhe miratuar nga Ministri i Mjedisit, subjekti ofertues ka kërkuar në Gjykatën Administrative shfuqizimin e masave administrative të Komisionit të Inspektimit të AKM, por këto masa janë në fuqi deri në përfundimin e gjykimit nga Gjykata.

Për sa më sipër, KVO arsyeton se referuar pikës 2.1.4 në Kërkesat e Veçanta për Kualifikim, ku në mënyrë të qartë është vendosur si kusht për kualifikim, se ofertuesi nuk duhet të ketë masa administrative në fuqi, subjekti V.A.L.E. RECYCLING” sh.p.k, me Nuis L28029301Q, nuk e përmbush kërkesën për kualifikim pasi rezulton me masë administrative në fuqi me Vendim të Agjencisë Kombëtare të Mjedisit.

Gjithashtu KVO vlerëson se fakti që masa administrative është ankimuar në gjykatë nga ofertuesi dhe as akti i Gjykatës Administrative për pezullimin e zbatimit të Vendimit të Ministrit të Mjedisit për pezullimin e lejes së mjedisit të subjektit V.A.L.E. RECYCLING” sh.p.k, nuk e ndryshojnë situatën juridike të ofertuesit për këtë procedurë, pasi Agjencia Kombëtare e Mjedisit me shkresën Nr.6140/1 prot datë 09.06.2025 shprehet qartë se masa administrative është në fuqi. Në këto kushte përderisa ofertuesi nuk paraqiti një vendim gjyqsor të formës së prerë që të ketë shfuqizuar masën administrative në fuqi, KVO konstaton se subjekti V.A.L.E. RECYCLING” sh.p.k, me Nuis L28029301Q në momentin e zhvillimit të procedurës, është vlerësuar me shkelje të legjislacionit mjedisor nga organet shtetërore kompetente dhe është subjekt i dispozitave të skualifikimit në procedurën e prokurimit sipas nenit 76, pika 3 të LPP ku përcaktohet :3. Çdo operator ekonomik skualifikohet nga pjesëmarrja në procedurën e prokurimit nëse është në një nga situatat e mëposhtme: a) autoriteti ose enti kontraktor provon se ka shkelje të detyrimeve të zbatueshme që lidhen me legjislacionin për mbrojtjen nga diskriminimi, legjislacionin mjedisor, social, të punës, në fuqi apo me marrëveshjet kolektive dhe aktet e së drejtës ndërkombëtare në lidhje me këto fusha, ku Republika e Shqipërisë është palë;”.

II.5. Nga verifikimet në sistemin e prokurimeve elektronik konstatohet, se në datën 15.07.2025 autoriteti kontraktor ka publikuar njoftimin e fituesit paraprak për procedurën e mësipërme të prokurimit, duke shpallur fitues shoqërinë “MEDI - TEL” ShPK.

II.6. Në datën 19.07.2025, nëpërmjet Sistemit të Ankesave Elektronike pranë Komisionit të Prokurimit Publik dhe pranë autoritetit kontraktor është administruar ankesa me numër ankimi elektronik A/2025/5582 datë 19.07.2025, dhe me nr. 1944/2025 prot, datë 21.07.2025 e operatorit ekonomik “V.A.L.E. RECYCLING” SHPK, me anë të së cilës kundërshtohet vendimmarrja e Komisionit të Vlerësimit të Ofertave mbi skualifikimin e ofertës së paraqitur prej tij, si dhe kërkon skualifikimin e ofertës së paraqitur nga operatori ekonomik “MEDI - TEL” ShPK në procedurën e prokurimit të sipërcituar.

II.7. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, i ndryshuar Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe publikoi formularin e publikimit nr.1944/1 prot, datë 21.07.2025, lidhur me pretendimet e operatorit ekonomik ankimues “V.A.L.E. RECYCLING” SHPK, mbi skualifikimin e ofertës së paraqitur prej tij, si dhe për skualifikimin e ofertës së

paraqitur nga operatori ekonomik “MEDI - TEL” ShPK, në procedurën e mësipërme të prokurimit.

II.8. Autoriteti përfitues SUOGJ “Mbretëresha Geraldin” nëpërmjet shërbimit postar, me shkresën nr. 637 prot., datë 25.07.2025, protokolluar me tonën me nr.1944/2 prot., datë 28.07.2025, ka depozituar kërkesën për vendimarrje të përshpejtuar për shkak të situatës emergjente dhe specifikes së procedurës së prokurimit.

II.9. Autoriteti kontraktor Operatori i Blerjeve të Përqendruara nëpërmjet shërbimit postar, me shkresën nr. 1661/8 prot., datë 29.30.2025, protokolluar me tonën me nr.1944/3 prot., datë 30.07.2025, ka dërguar vendimin e KSHA, lidhur me trajtimin e ankesës së paraqitur nga operatori ekonomik ankimues “V.A.L.E. RECYCLING” SHPK. Referuar shkresës së cituar më sipër të Autoritetit kontraktor, rezulton, se ky i fundit ka vendosur të pranojë pjesërisht ankesën e operatorit ekonomik ankimues, duke argumentuar si më poshtë vijon:

[...] II.1. Lidhur me pretendimin e operatorit ekonomik ankimues "V.A.L.E. RECYCLING" shpk mbi kundërshtimin e vendimit të Komisionit të Vlerësimit të Ofertave mbi skualifikimin e ofertës së tij, me arsyen se "Nuk përmbush pikën 2.1.4 të Kriterëve të Veçanta të Kulifikimit", KSHA vëren se:

(...)

Sa më sipër, Komisioni i Shqyrtimit të Ankesave gjykon se operatori ekonomik ankimues "V.A.L.E Recycling" shpk, me dokumentacionin e dorëzuar, përmbush kriterin e sipërcituar të përcaktuar në Shtojcën 9, pika 2.1.4 të Dokumentave të Tenderit.

Për sa më sipër, pretendimi i operatorit ekonomik ankimues qëndron.

II.2. Lidhur me pretendimin e operatorit ekonomik ankimues "V.A.L.E. RECYCLING" shpk mbi kundërshtimin e vendimit të Komisionit të Vlerësimit të Ofertave mbi skualifikimin e ofertës së tij, me arsyen se "Nuk përmbush pikën 2.3.4 të Kriterëve të Veçanta të Kulifikimit", KSHA vëren se:

(...)

Pasqyrimi në akt miratimet e lëshuara nga Ministria e Turizmit dhe Mjedisit të paraqitura në përmbushje të kriterit 2.1.1 dhe 2.1.2 vërtetojnë se këto pajisje janë të licencuara për realizimin e procesit të trajtimit të mbetjeve nga organi kompetent. Ky certifikim është detyrim ligjor për të gjitha pajisjet të cilat kryejnë këto lloj procesesh në territorin e RSH dhe jo për pronarin apo personin e trete, ndaj kërkesa është e domosdoshme për ushtrimin e aktivitetit në fjalë. Fokusi i

kësaj kërkesë është tek impianti dhe jo tek personat e trete të cilët japin me qera apo huapërdorje. Katalog ose skede teknike ose çdo dokument tjetër teknik i secilit impiant dhe makinerisë, si dhe Deklaratë Konformiteti CE i secilit impiant dhe makinerisë provon përputhshmërinë e tyre me specifikimet teknike të kërkuara.

Komisioni i Shqyrtimit të Ankesave, pasi mori në shqyrtim dokumentacionin e paraqitur në sistemin e prokurimit elektronik nga operatori ekonomik i shpallur fitues paraprak, "Medi-Tel" shpk konstaton se ky i fundit, në përmbushje të kriterit të sipërcituar, ka paraqitur dokumentacionin që zotëron mjetet e kërkuara, të dhënat teknike si dhe pasqyrimin e tyre në aktet e miratimeve të lëshuara nga Ministria e Turizmit dhe Mjedisit, për lejet dhe licensat.

Sa i takon pretendimin për mos paraqitje të deklaratës së Konformiteti CE për secilin impiant dhe makineri, KSHA konstaton se operatori ekonomik "Medi-Tel" shpk ka paraqitur dokumentin Çertifikatë konformiteti, duke dhënë të njëjtën garanci ligjore dhe teknike për makineritë e kërkuara, madje duke e tejkaluar atë nëpërmjet certifikimit nga një palë e tretë.

Për sa më sipër, pretendimi i operatorit ekonomik ankimues nuk qëndron.

PËR KËTO ARSYE

Baza në nenin 114 të ligjit Nr. 162, datë 23.12.2020 "Për prokurimin publik", i ndryshuar, dhe nenit 102 të VKM-së nr. 285, datë 19.05.2021 "Për Miratimin e Rregullave të Prokurimit Publik", i ndryshuar, Komisioni i ndaluar për shqyrtimin e ankesës,

VENDOSI

I. Pranimin e pjesës së ankesës së paraqitur nga operatori ekonomik "V.A.L.E. RECYCLING" shpk. [...]

II.10. Agjencia e Prokurimit Publik me shkresën nr. 4687/1 prot, datë 01.08.2025, protokolluar me tonën me numër nr. 1944/4 prot, datë 05.08.2025, ka vënë në dijeni Komisionin e Prokurimit Publik lidhur me përgjigjen e Agjencisë së Prokurimit Publik drejtuar autoritetit përfitues SUOGJ "Mbretëresha Geraldin", Tiranë.

II.11. Me shkresën nr. 1944/5 prot., datë 07.08.2025 me objekt "Mbi detyrimin e autoritetit kontraktor për dhënie informacioni KPP-së lidhur me ankesën e operatorit ekonomik "V.A.L.E. RECYCLING" SHPK" Komisioni i Prokurimit Publik me qëllim gjykimin e ankesës së paraqitur ka kërkuar nga autoriteti kontraktor dokumentacionin e plot shoqërues të akt-miratimit të licencës III. 2.B (incenerim) dhe të akt-miratimit të licencës III.2.B (Autoklavim) të paraqitur për këtë procedurë prokurimi, nga operatori ekonomik "MEDI-TEL" SHPK, pasi referuar

procesverbalit të mbatur nga operatori i sipërcituar ekonomik për dorëzimin e dokumentacionit protokolluar prej autortetit tuaj kontraktor me nr.2178 prot., datë 11.07.2025 dokumentacioni shoqërues i sipërkërkuar rezulton me 3 faqe ndërkohë që dokumentacioni i përcjellë pranë institucionit tonë nga autoriteti juaj kontraktor rezulton vetëm me faqen 1 dhe 3 të saj, duke e bërë të pamundur shqyrtimin e ankesës me numër ankimi elektronik A/2025/5582 dhe numër prot. 1944/2025, datë 21.07.2025 të operatorit ekonomik "V.A.L.E. RECYCLING" SHPK.

II.12. Me shkresën nr. 1661/14 prot, datë 08.08.2025, protokolluar me tonën me nr. 1944/7 prot, datë 08.08.2025, është depozituar nga autoriteti kontraktor në Komisionin e Prokurimit Publik, dokumentacioni i kërkuar më shkresën nr. 1944/5 prot., datë 07.08.2025 me objekt *“Mbi detyrimin e autoritetit kontraktor për dhënie informacioni KPP-së lidhur me ankesën e operatorit ekonomik “V.A.L.E. RECYCLING” SHPK”* të Komisionit të Prokurimit Publik.

II.13. Autoriteti kontraktor Operatori i Blerjeve të Përqëndruara me shkresën nr. 1661/12 prot, datë 08.08.2025, protokolluar me tonën me numër nr. 1944/8 prot, datë 11.08.2025, ka vënë në dijeni autoritetit përfitues SUOGJ *“Mbretëresha Geraldin”*, Tiranë lidhur me fazën në të cilën ndodhet procedura e prokurimit objekt ankimi.

II.14. Me shkresën nr. 1944/10 prot., datë 13.08.2025 me objekt *“Kërkesë për informacion”* Komisioni i Prokurimit Publik me qëllim gjykimin e ankesës së paraqitur ka kërkuar nga Agjencia Kombëtare e Mjedisit informacionin si më poshtë:

“Operatori ekonomik “MEDI – TEL” SHPK me numër NIPT-i: M12406021M është i pajisur me lejet dhe licensat si më poshtë:

- *Leje mjedisi e tipit B, me kodin: III.1.B, me numër: PN-4737-03-2017, lëshuar nga Qendra Kombëtare e Biznesit për shoqërinë “MEDI-TEL” SHPK, me emërtimin përshkrues të veprimtarisë: “Leje mjedisi e tipi B për asgjësimin e mbetjeve të rrezikshme përveç incinerimit (5.1a) ose lëndfillimit (5.2a)”, shoqëruar me Akt Miratimi “Leje Mjedisi Tipi B” nr. 2533/1, me numër protokolli nr. 2959 prot, datë 13.04.2018, lëshuar nga Agjencia Kombëtare e Medisit, për subjektin “MEDI-TEL” SHPK (LC-7608).*
- *Licensë me kodin: III.2.B, me numër: LN-9352-11-2019, lëshuar nga Qendra Kombëtare e Biznesit për shoqërinë “MEDI-TEL” SHPK, me emërtimin përshkrues të veprimtarisë: “Grumbullim, transportim, ruajtje, trajtim dhe asgjësim i mbetjeve të rrezikshme spitalore.”, shoqëruar me Akt Miratimi “Licensë e kategorisë III.2.B” nr. Identifikimi: 367, me numër protokolli nr. 9561 prot, datë 08.11.2019, lëshuar nga Agjencia Kombëtare e Medisit, për subjektin “MEDI-TEL” SHPK (LC-4716).*

Në kuadër të hetimit administrativ për procedurën e prokurimit të sipërcituar, për Komisionin e Prokurimit Publik është tepër i nevojshëm informacioni juaj si më poshtë:

- 1. Cili është modeli dhe marka e pajisjes të instaluar, për asgjesimin e mbetjeve të rrezikshme spitalore të instaluar në vendin e ushtrimit të aktivitetit të subjektit “MEDI-TEL” SHPK, për të cilën është miratuar leja e mjedisit nga ana e institucionit tuaj me Akt Miratimi “Leje Mjedisit Tipi B” nr. 2533/1, me numër protokolli nr. 2959 prot, datë 13.04.2018?*
- 2. Cili është modeli dhe marka e pajisjes të instaluar, për asgjesimin e mbetjeve të rrezikshme spitalore në vendin e ushtrimit të aktivitetit të subjektit “MEDI-TEL” SHPK, për të cilën është miratuar licenca nga ana e institucionit tuaj me Akt Miratimi “Licensë e kategorisë III.2.B” nr. Identifikimi: 367, me numër protokolli nr. 9561 prot, datë 08.11.2019?*
- 3. A është detyruese që në Akt Miratimi “Leje Mjedisit Tipi B” nr. 2533/1, me numër protokolli nr. 2959 prot, datë 13.04.2018, të pasqyrohet modeli dhe marka e pajisjes të instaluar, për asgjesimin e mbetjeve të rrezikshme spitalore, sipas përcaktimeve të VKM Nr. 419 datë 25.06.2014 “PËR MIRATIMIN E KËRKESAVE TË POSAÇME PËR SHQYRTIMIN E KËRKESAVE PËR LEJE MJEDISI TË TIPAVE A DHE B, PËR TRANSFERIMIN E LEJEVE NGA NJË SUBJEKT TE TJETRI, TË KUSHTEVE PËR LEJET RESPEKTIVE TË MJEDISIT, SI DHE RREGULLAVE TË HOLLËSISHME PËR SHQYRTIMIN E TYRE NGA AUTORITETET KOMPETENTE DERI NË LËSHIMIN E KËTYRE LEJEVE NGA QKB-ja”, i ndryshuar, që ka qënë në fuqi në kohën e lëshimit të këtij akti miratimi?*
- 4. A është detyruese që në Akt Miratimi “Licensë e kategorisë III.2.B” nr. Identifikimi: 367, me numër protokolli nr. 9561 prot, datë 08.11.2019, të pasqyrohet modeli dhe marka e pajisjes të instaluar, për asgjesimin e mbetjeve të rrezikshme spitalore?*

Sa më sipër, me qëllim vijimin e gjykimit të ankesës pranë Komisionit të Prokurimit Publik kërkojmë që të na vini në dispozicion informacionin e sipërkërkuar brenda 2 (dy) ditëve nga marrja dijeni e kësaj shkrese.”.

II.15. Me shkresën nr. 8804/1 prot, datë 20.08.2025, protokolluar me tonën me nr. 1944/12 prot, datë 22.08.2025.2024, është depozituar nga Agjencia Kombëtare e Mjedisit në Komisionin e Prokurimit Publik, informacionin si më poshtë:

“Në përgjigje të shkresës suaj nr.1944/10 Prot., datë 13.08.2025, regjistruar në AKM me nr.8804 prot., datë 13.08.2025 dhe Nr. 8888 Prot., datë 15.08.2025 në të cilën kërkohet informacion për subjektin "MEDI-TEL" shpk, ju bëjmë me dije se:

Të gjitha aktet e miratimit të licencave të nënkategorisë III.2.B dhe lejeve të mjedisit të kategorive III.1 janë sipas formatit të miratuar me VKM-në Nr. 419, datë 25.6.2014 "Për miratimin e kërkesave të posaçme për shqyrtimin e kërkesave për leje mjedisi të tipave a, b dhe c, për transferimin e lejeve nga një subjekt te tjetri, të kushteve për lejet respektive të mjedisit, si dhe rregullave të hollësishme për shqyrtimin e tyre nga autoritetet kompetente deri në lëshimin e këtyre lejeve nga QKL-ja", e ndryshuar dhe VKM-së Nr.538, datë 26.5.2009 "Për licencat dhe lejet që trajtohen nga apo nëpërmjet Qendrës Kombëtare të Licencimit (QKL) dhe disa rregullime të tjera nënligjore të përbashketa", e ndryshuar.

Të gjitha aktet e pasqyruara në Regjistrin Kombëtar të Lejeve, Licencave dhe Autorizimeve pranë QKB-së kanë në përmbajtjen e tyre përshkrimin e veprimtarisë sipas vetdeklarimeve të subjekteve.”.

II.16. Nga verifikimet e kryera, rezulton, se nuk janë paraqitur pranë Komisionit të Prokurimit Publik argumente nga subjekte të interesuara lidhur me ankesën e paraqitur nga operatori ekonomik ankimues sipas parashikimeve të nenit 113 të ligjit 162/2020 “Për Prokurimin Publik”, i ndryshuar.

III

Komisioni i Prokurimit Publik

pas shqyrtimit të ankesave, dokumentacionit bashkëngjitur tyre, si dhe informacionit të autoritetit kontraktor,

Arsyeton

III.1. Lidhur me pretendimet e ankimuesit “V.A.L.E RECYCLING” SHPK, për shfuqizimin e vendimit të Komisionit të Vlerësimit të Ofertave për skualifikimin e ofertës të paraqitur prej tyre, në procedurën e sipërpërmendur të prokurimit, Komisioni i Prokurimit Publik vëren se,

III.1.2. Autoriteti kontraktor Operatori i Blerjeve të Përqendruara nëpërmjet shërbimit postar, me shkresën nr. 1661/8 prot., datë 29.30.2025, protokolluar me tonën me nr.1944/3 prot., datë 30.07.2025, ka dërguar vendimin e KSHA, lidhur me trajtimin e ankesës së paraqitur nga operatori ekonomik ankimues “V.A.L.E. RECYCLING” SHPK. Referuar shkresës së cituar më sipër të Autoritetit kontraktor, rezulton, se ky i fundit ka vendosur të pranojë pjesërisht ankesën e operatorit ekonomik ankimues duke argumentuar si më poshtë vijon: [...]

[...] II.1. Lidhur me pretendimin e operatorit ekonomik ankimues "V.A.L.E. RECYCLING" shpk mbi kundërshtimin e vendimit të Komisionit të Vlerësimit të Ofertave mbi skualifikimin e ofertës së tij, me arsyen se "Nuk përmbush pikën 2.3.6 të Kriterëve të Veçanta të Kulifikimit", KSHA vëren se:

(...)

Sa më sipër, Komisioni i Shqyrtimit të Ankesave gjykon se operatori ekonomik ankimues "V.A.L.E Recycling" shpk, me dokumentacionin e dorëzuar, përmbush kriterin e sipërcituar të përcaktuar në Shtojcën 9, pika 2.1.4 të Dokumentave të Tenderit.

Për sa më sipër, pretendimi i operatorit ekonomik ankimues qëndron.

PËR KËTO ARSYE

Baza në nenin 114 të ligjit Nr. 162, datë 23.12.2020 "Për prokurimin publik", i ndryshuar, dhe nenit 102 të VKM-së nr. 285, datë 19.05.2021 "Për Miratimin e Rregullave të Prokurimit Publik", i ndryshuar, Komisioni i ndaluar për shqyrtimin e ankesës,

VENDOSI

1. Pranimin e pjesës së ankesës së paraqitur nga operatori ekonomik "V.A.L.E. RECYCLING" shpk. [...]

III.1.3. Neni 30 i LPP parashikon shprehimisht se: "Komisioni i Prokurimit Publik shqyrton ankesat e paraqitura para tij kur në mbledhje janë të pranishëm të paktën 3 nga 5 anëtarët e tij, një prej të cilëve kryetari ose nënkryetari. Në përfundim të shqyrtimit të ankesave, Komisioni vendos me shumicë votash. Vendimi deklarativ i dhënë sipas parashikimeve të nenit 115, pikat 2 dhe 3, të këtij ligji, jepet nga 3 anëtarë për procedurat e prokurimit nën kufirin e ulët monetar dhe nga 5 anëtarë për procedurat e tjera."

III.1.4. Neni 115, pika 1 dhe 2 e ligjit 162/2020 "Për Prokurimin Publik", i ndryshuar parashikon shprehimisht se:

"1. Komisioni i Prokurimit Publik shqyrton ankesën e paraqitur, si dhe vendimin e autoritetit ose entit kontraktor, së bashku me dokumentet dhe shpjegimet shoqëruese, që mbështesin këtë vendim si më poshtë:

a) në rastet kur autoriteti ose enti kontraktor ka vendosur pranimin pjesërisht të ankesës, Komisioni i Prokurimit Publik vazhdon shqyrtimin:

i. për pjesën e ankesës/ pretendimeve që nuk janë pranuar;

ii. e ankesës/ ankesave për pjesën që është pranuar, nëse ka ankesa nga operatorët ekonomikë të interesuar, të cilët kanë paraqitur argumentet e tyre për këtë pjesë në përputhje me nenin 113 të këtij ligji;

b) në rastet kur autoriteti ose enti kontraktor ka vendosur pranimin e plotë të ankesës, Komisioni i Prokurimit Publik do të vijojë shqyrtimin e ankesës, nëse ka ankesë nga operatorët ekonomikë të interesuar, të cilët kanë paraqitur argumentet e tyre në lidhje me ankesën në përputhje me nenin 113 të këtij ligji;

c) në rastet kur autoriteti ose enti kontraktor ka vendosur mos pranimin e ankesës.

2. Në rastin kur autoriteti ose enti kontraktor pranon pjesërisht ankesën për dokumentet e tenderit dhe në rastin e ankesave për vendimin e vlerësimit/ klasifikimit kur nuk ka ankesa nga operatorët ekonomikë të interesuar, të cilët kanë paraqitur argumentet e tyre sipas pikës 1 të nenit 113 të këtij ligji, Komisioni i Prokurimit Publik vazhdon procedurën për pjesën tjetër të ankesës dhe me mbylljen e shqyrtimit të çështjes duhet të shprehet me vendimmarrje deklarative për pjesën e pranuar sipas parashikimeve të shkronjës “ç” të pikës 2 të nenit 118 të këtij ligji, së bashku me vendimmarrje për pjesën tjetër.”.

Për këtë arsye, KPP do të mbyllë shqyrtimin e çështjes në lidhje me këtë pretendim të pranuar nga autoriteti kontraktor dhe do të vijojë çështje për pretendimet e tjera, në lidhje me ankesën e sipërcituar.

III.2 Lidhur me pretendimin e operatorit ekonomik “V.A.L.E RECYCLING” SHPK, mbi kundërshtimin e vendimit të komisionit të vlerësimit të ofertave në lidhje me kualifikimin e ofertës së paraqitur prej operatorit ekonomik “MEDI - TEL” SHPK, me arsyen se: “...Referuar pikës 2.3.4 të Kërkesave të Veçanta për Kualifikim, operatori ekonomik duhet të provojë se disponon impiante dhe makineri specifike për përmbushjen e objektit të prokurimit, duke i pasqyruar ato në mënyrë të detajuar në formularin e vetëdeklarimit sipas të dhënave që rezultojnë në lejen mjedisore përkatëse.

Në këtë kuadër, operatori ekonomik “MEDI-TEL” shpk, në formularin e vetëdeklarimit (Shtojca nr.10) ka deklaruar se disponon pajisjen “ECODAS” për trajtim me sterilizim (autoklavë) dhe se kjo pajisje është e përfshirë në lejen PN-4737-03-2017, me kodin III.1.B nënkategoria Leje Mjedisore Tip B, me akt miratimi nr.2959/1 prot., date 13.04.2018, nr. i identifikimi i lejes 2533/I, e cila duhet të jetë pjesë e dokumentacionit zyrtar të ofertës.

Nga shqyrtimi i kësaj leje mjedisore e cila është e aksesueshme online në faqen zyrtare të Qendrës Kombëtare të Biznesit, www.qkb.gov.al, rezulton qartazi se:

• Emri i pajisjes “ECODAS” nuk është i deklaruar askund në lejen me kodin III.1.B, të sipërcituar.

• Nuk ka asnjë përmendje të identifikueshme të markës, modelit, numrit serial apo të dhëna të tjera për ndonjë pajisje konkrete.

• Në përshkrimin teknik flitet në mënyrë të përgjithshme për “teknologji autoklavimi”, pa identitet të veçantë të ndonjë impianti real.

Ky fakt është thelbësor dhe përbën deklarim të rremë, pasi:

• Deklarimi në formularin e vetëdeklarimit është në kundërshtim me të dhënat e dokumentit ligjor përkatës, pra me lejen mjedisore të sipërcituar;

• Në këtë mënyrë, operatori është vetëdeklaruar në mënyrë të pavërtetë, duke pretenduar përmbushjen e një kriteri të detyrueshëm me një pajisje që nuk e ka të deklaruar në lejen mjedisore.

Bazuar në nenin 76, pika 5, të Ligjit nr. 162/2020 për Prokurimin Publik, ku percaktohet: "5. Autoriteti ose enti kontraktor skualifikon çdo kandidat ose ofertues, që paraqet të dhëna të rreme për qëllime kualifikimi, në çdo kohë, deri në momentin e lidhjes së kontratës dhe raporton në Agjencinë e Prokurimit Publik, për qëllimet e parashikuara në nenin 78 të këtij ligji", e thënë me qartë çdo paraqitje e të dhënave të rreme me qëllim kualifikimi në procedurë prokurimi përbën bazë të mjaftueshme për skualifikim dhe për informim të menjëhershëm të APP, në funksion të ndalimit të përkohshëm të operatorit.

Operatori "MEDI-TEL" SHPK ka paraqitur një vetëdeklarim të rremë, duke pretenduar se pajisja "ECODAS" është e përfshirë në lejen mjedisore, ndërkohë që kjo nuk është e vërtetë dhe mund të verifikohet publikisht në faqen web të QKB dhe aktet e AKM. Ky veprim përbën shkelje serioze të integritetit të procedurës, duke cenuar konkurrencën, barazinë në garë dhe besueshmërinë e sistemit të prokurimeve publike. Në këtë rast, autoriteti kontraktor jo vetëm që ka dështuar të konstatojnë këtë devijim të rëndë, por ka lejuar kualifikimin e operatorit në kundërshtim të hapur me dokumentet e tenderit dhe me detyrimet ligjore të autoriteteve publike për verifikim të saktë dhe të plotë të deklarimeve, si dhe qartësisht ka favorizuar OE në këtë procedurë prokurimi.

Cdo mosveprim për të ndëshkuar këtë devijim i barazohet bashkëpunimit institucional për deformim të qëllimshëm të procesit të përzgjedhjes së fituesit.", Komisioni i Prokurimit Publik vëren se,

III.2.2. Në shtojcën 9 "FORMULARI I KRITEREVE TË PËRZGJEDHJES/KUALIFIKIMIT" pika 2.3.4 "Kapaciteti teknik" të dokumenteve të tenderit, autoriteti kontraktor ka përcaktuar kriterin kualifikues, si më poshtë vijon:

"2.3.4. Operatori duhet të ketë në pronësi ose me qera/përdorim, apo nëpërmjet çdo mënyre posedimi të njohur nga ligji, impiant/e, makineritë e mëposhtme që të mundësojë trajtimin e të gjitha kategorive të mbetjeve objekt prokurimi, sipas Ligjit Nr. 10463 date 22.09.2011 "Për menaxhimin e integruar të mbetjeve", i ndryshuar, si dhe të VKM-se për miratimin e rregullores "Për menaxhimin e mbetjeve spitalore", (Rregullorja) si dhe makineri për larjen dhe dezinfektimin e kontenierëve, si më poshtë:

- a. **Impiant për trajtimin me sterilizim (teknologji autoklavim ose ekuivalente) - cope**
- b. Impiant për asgjësimin me incenerim - cope I
- c. Makineri për larjen e kontenierëve cope I

Për të vërtetuar përmbushjen e këtij kriteri operatori ekonomik duhet të disponojë dokumentet e mëposhtme provuese:

- a. Dokumentacionin për vërtetimin e pronësisë, huapërdorjes ose të marrjes me qera të pajisjes (ku afati i marrjes me qera/përdorimit të jetë minimalisht me afatin e ekzekutimit të këtij objekti prokurimi);
- b. ***Të jenë të pasqyruar në akt miratimet e lëshuara nga Ministria e Turizmit dhe Mjedisit të paraqitura në përmbushje të kriterit 2.1.1 dhe 2.1.2 më sipër;***
- c. Katalog ose skede teknike ose çdo dokument tjetër teknik i secilit impiant dhe makinerisë;
- d. Deklaratë Konformiteti CE i secilit impiant dhe makinerisë.

Shënim: Kriteri konsiderohet i përmbushur me paraqitjen e te dhënave konkrete për secilën pajisje (përfshirë edhe ato back up), nëpërmjet formularit të vetëdeklarimit sipas shtojcës 10 të DST, duke përfshirë të dhënat si vijon: emërtimi i impiantit / përcaktimi si primar apo back up / modeli / rrymat e mbetjeve që trajton dhe/ose asgjeson / Leja dhe Licenca përkatëse ku janë të përfshirë (nga ato të paraqitura në përmbushje të kriterit 2.1.1 dhe 2.1.2 më sipër.

Dokumentet provuese të kërkuara më sipër, do të paraqiten nga ofertuesi i kualifikuar i pari, përpara publikimit të njoftimit të fituesit dhe nisjes së afateve të ankimit, ose nëse kërkohen sqarime nga Autoriteti Kontraktor.

Ndërkohë në shtojcën 9 “*FORMULARI I KRITEREVE TË PËRZGJEDHJES/KUALIFIKIMIT*” pika 2.1.1 dhe pika 2.1.2 “*Kapacitetin profesional të operatorëve ekonomikë*” të dokumenteve të tenderit, autoriteti kontraktor ka përcaktuar kriteret kualifikuese, si më poshtë vijon:

“2.1.1 Për metoda dhe teknologji të trajtimit të përcaktuara në Ligjin Nr. 10448, date 14.07.2011 “Për lejet e mjedisit”, në VKM nr.798, datë 29.9.2010 “Për miratimin e rregullores për administrimin e mbetjeve spitalore” dhe në Termat e Referencës së DST (përveç incenerimit), ose teknologji ekuivalente, Operatori Ekonomik duhet të disponojë dhe të paraqesë:

1.a Leje mjedisore të tipit A (me kod III.1.C) ose të tipit B (me kod III.1.B) së bashku me Akt Miratimin përkatës, si dhe

1.b Licensën përkatëse të kategorisë III.2.B (Për trajtimin e mbetjeve të rrezikshme Spitalore) që të përfshijnë kodet e mbetjeve të rrezikshme si më poshtë:

- ***18 01 01*** - Bisturitë, shiringa, instrumente të mprehta (përveç 18 01 03);
- ***18 01 03*** - Mbetjet, grumbullimi dhe asgjësimi i të cilave kërkon trajtim të veçantë për të parandaluar infeksionet;
- ***18 01 04*** - Mbetjet, grumbullimi dhe asgjësimi i të cilave nuk kërkon trajtim të veçantë për të parandaluar infeksionet (psh, veshje, hedhurinat e leokoplasteve, ndërresat, veshje për të asgjësuar, pelena etj).

2.1.2 Per metodën dhe teknologjinë e trajtimit ME INCENERIM, Operatori Ekonomik duhet të disponojë dhe të paraqesë:

2.a Leje mjedisore të tipit A (me kod III.1.C) së bashku me **Akt Miratimin** përkatës si dhe

2.b Licensën përkatëse të kategorisë III.2.B (Për trajtimin e mbetjeve të rrezikshme Spitalore) ku të përfshihen kodet e mbetjeve të rrezikshme si më poshtë:

- **18 01 02** - Pjesë të trupit dhe organe, përfshirë qeset dhe konservuesit e gjakut dhe rezervat e gjakut (përveç 18 01 03);”.

III.2.3. Në procesverbalin e datës 27.05.2025 “PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM” të publikuar në sistemin e prokurimeve elektronike (SPE), autoriteti kontraktor Operatori i Blerjeve të Përqëndruara SH.A ka argumentuar vendosjen e kriterëve kualifikues të përcaktuara në pikën 2.1.1 dhe pikën 2.1.2 “Kapacitetin profesional të operatorëve ekonomikë”, si dhe pikën 2.3.4 “Kapaciteti teknik” të shtojcës 9 “FORMULARI I KRITEREVE TË PËRZGJEDHJES/KUALIFIKIMIT” të dokumenteve të tenderit, të procedurës së prokurimit objekt ankimi, si më poshtë vijon:

“2.1 Kapacitetin profesional të operatorëve ekonomikë:

2.1.1 Për metoda dhe teknologji të trajtimit të përcaktuara në Ligjin Nr. 10448, date 14.07.2011 “Për lejet e mjedisit”, në VKM nr.798, datë 29.9.2010 “Për miratimin e rregullores për administrimin e mbetjeve spitalore” dhe në Termat e Referencës së DST (përveç incenerimit), ose teknologji ekuivalente, Operatori Ekonomik duhet të disponojë dhe të paraqesë:

1.a Leje mjedisore të tipit A (me kod III.1.C) ose të tipit B (me kod III.1.B) së bashku me Akt Miratimin përkatës,

si dhe

1.b Licensën përkatëse të kategorisë III.2.B (Për trajtimin e mbetjeve të rrezikshme Spitalore) që të përfshijnë kodet e mbetjeve të rrezikshme si më poshtë:

- **18 01 01** - Bisturitë, shiringa, instrumente të mprehta (përveç 18 01 03);
- **18 01 03** - Mbetjet, grumbullimi dhe asgjësimi i të cilave kërkon trajtim të veçantë për të parandaluar infeksionet;
- **18 01 04** - Mbetjet, grumbullimi dhe asgjësimi i të cilave nuk kërkon trajtim të veçantë për të parandaluar infeksionet (psh, veshje, hedhurinat e leokoplasteve, ndërresat, veshje për të asgjësuar, pelena etj).

2.1.2 Per metodën dhe teknologjinë e trajtimit ME INCENERIM, Operatori Ekonomik duhet të disponojë dhe të paraqesë:

2.a Leje mjedisore të tipit A (me kod III.1.C) së bashku me Akt Miratimin përkatës

si dhe

2.b Licensën përkatëse të kategorisë III.2.B (Për trajtimin e mbetjeve të rrezikshme Spitalore) ku të përfshihen kodet e mbetjeve të rrezikshme si më poshtë:

- **18 01 02** - Pjesë të trupit dhe organe, përfshirë qeset dhe konservuesit e gjakut dhe rezervat e gjakut (përveç 18 01 03);

Argumentimi: Kërkesa e mësipërme bazohet në nenin 77, pika 1/a dhe 2, të LPP, nenit 41, pika 4/a, të VKM nr. 285, datë 19.05.2021 "Për miratimin e rregullave të prokurimit publik", i ndryshuar si dhe në mbështetje të pikës 5 Menaxhimi i Mbetjeve të Shtojcës 1 Lejet e mjedisit të tipave A, B dhe C në varësi të kapacitetit prodhues kufi të Ligjit Nr. 10448, date 14.07.2011 "Per lejet e mjedisit", i ndryshuar, Ligjit Nr. 10431 date 09.06.2011 "Per mbrojtjen e mjedisit", VKM Nr. 798, date 29.09.2010 "Për miratimin e rregullores, Për administrimin e mbetjeve spitalore", VKM Nr. 402, datë 30.06.2021, "Për miratimin e katalogut të mbetjeve", Udhëzuesi Kombëtar "Për Menaxhimin e Mbetjeve të Rrezikshme Spitalore" dhe sipas përcaktimeve të bëra në Udhëzuesin Kombëtar "Administrimi i sigurt i Mbetjeve Spitalore", Ligjit Nr. 10081, date 23.02.2009 "Për licensat, autorizimet dhe lejet në Republikën e Shqipërisë" i ndryshuar, Ligjit Nr. 10463, datë 22.09.2011 "Për menaxhimin e integruar të mbetjeve", të ndryshuar dhe VKM Nr. 538 date 26.05.2009 "Për licensat dhe lejet, që trajtohen nga/apo nëpërmjet OKB dhe disa rregullime të tjera nënligjore të përbashkëta" e ndryshuar.

2.3.4. Operatori duhet të ketë në pronësi ose me qera/përdorim, apo nëpërmjet çdo mënyre posedimi të njohur nga ligji, impiant/e, makineritë e mëposhtme që të mundësojë trajtimin e të gjitha kategorive të mbetjeve objekt prokurimi, sipas Ligjit Nr. 10463 date 22.09.2011 "Për menaxhimin e integruar të mbetjeve", i ndryshuar, si dhe të VKM-se për miratimin e rregullores "Për menaxhimin e mbetjeve spitalore", (Rregullorja) si dhe makineri për larjen dhe dezinfektimin e kontenierëve, si më poshtë:

1. Impiant për trajtimin me sterilizim (teknologji autoklavim ose ekuivalente) - cope 1
2. Impiant për asgjësimin me incenerim - cope 1
3. Makineri për larjen e kontenierëve cope 1

Për të vërtetuar përmbushjen e këtij kriteri operatori ekonomik duhet të disponojë dokumentet e mëposhtme provuese:

1. Dokumentacionin për vërtetimin e pronësisë, huapërdorjes ose të marrjes me qera të pajisjes (ku afati i marrjes me qera/përdorimit të jetë minimalisht me afatin e ekzekutimit të këtij objekti prokurimi);
2. Të jenë të pasqyruar në akt miratimet e lëshuara nga Ministria e Turizmit dhe Mjedisit të paraqitura në përmbushje të kriterit 2.1.1 dhe 2.1.2 më sipër;
3. Katalog ose skede teknike ose çdo dokument tjetër teknik i secilit impiant dhe makinerisë;
4. Deklaratë Konformiteti CE i secilit impiant dhe makinerisë.

Shënim: Kriteri konsiderohet i përmbushur me paraqitjen e te dhënave konkrete për secilën pajisje (përfshirë edhe ato back up), nëpërmjet formularit të vetëdeklarimit sipas shtojcës 10 të DST, duke përfshirë të dhënat si vijon: emërtimi i impiantit / përcaktimi si primar apo back up / modeli / rrymat e mbetjeve që trajton dhe/ose asgjeson / Leja dhe Licenca përkatëse ku janë të përfshirë (nga ato të paraqitura në përmbushje të kriterit 2.1.1 dhe 2.1.2 më sipër.

Dokumentet provuese të kërkuara më sipër, do të paraqiten nga ofertuesi i kualifikuar i pari, përpara publikimit të njoftimit të fituesit dhe nisjes së afateve të ankimit, ose nëse kërkohen sqarime nga Autoriteti Kontraktor.

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” dhe nenit 41, pika 4/ç, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar, me anë të këtij kriteri kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion pajisjet teknike për të përmbushur kontratën, të nevojshme për ekzekutimin e objektit të prokurimit.

Në bazë të **Ligjit nr. 10463, datë 22.09.2011, “Për menaxhimin e integruar të mbetjeve”,** i ndryshuar, **Ligjit nr. 10431, datë 09.06.2011, “Për mbrojtjen e mjedisit”,** i ndryshuar, **VKM nr. 798, datë 29.09.2010, “Për miratimin e rregullores, ‘Për administrimin e mbetjeve spitalore’, VKM Nr. 402, datë 30.06.2021, “Për miratimin e katalogut të mbetjeve”,** impiantet për realizimin e trajtimit të kategorive të caktuara të mbetjeve spitalore, janë pajisjet baze për realizimin me sukses të këtij shërbimi.

Pasqyrimi në akt miratimet e lëshuara nga Ministria e Turizmit dhe Mjedisit të paraqitura në përmbushje të kriterit 2.1.1 dhe 2.1.2 vërtetojnë se këto pajisje janë të licencuara për realizimin e procesit të trajtimit të mbetjeve nga organi kompetent. Ky certifikim është detyrim ligjor për të gjitha pajisjet të cilat kryejnë këto lloj procesesh në territorin e RSH dhe jo për pronarin apo personin e trete, ndaj kërkesa është e domosdoshme për ushtrimin e aktivitetit në fjalë. Fokusi i kësaj kërkesë është tek impianti dhe jo tek personat e trete të cilët japin me qera apo huapërdorje.

Katalog ose skede teknike ose çdo dokument tjetër teknik i secilit impiant dhe makinerisë, si dhe Deklaratë Konformiteti CE i secilit impiant dhe makinerisë provon përputhshmërinë e tyre me specifikimet teknike të kërkuara.”.

III.2.4. Nga verifikimet në sistemin e prokurimeve elektronike rezulton, se operatori ekonomik “MEDI-TEL” SHPK në fazën e ofertimit për plotësimin e kriterëve kualifikuesë të përcaktuar në pikën 2.1.1 dhe pikën 2.1.2 “Kapacitetin profesional të operatorëve ekonomikë”, si dhe pikën 2.3.4 “Kapaciteti teknik” të shtojcës 9 “**FORMULARI I KRITEREVE TË PËRZGJEDHJES/KUALIFIKIMIT**” të dokumenteve të tenderit, të procedurës së prokurimit objekt ankimi ka dorëzuar dokumentacionin, si më poshtë vijon:

Për pikën 2.3.4 “Kapaciteti teknik” të shtojcës 9 “FORMULARI I KRITEREVE TË PËRZGJEDHJES/KUALIFIKIMIT” të dokumenteve të tenderit

- Shtojcën 10 “FORMULARI PËRMBLEDHËS I VETËDEKLARIMIT”, i vulosur dhe i firmosur nga administratori i shoqërisë “MEDI-TEL” SHPK, ku në Seksionin B “Pjesa III Kriteret e Përzgjedhjes/Kualifikimit” ka deklaruar si më poshtë vijon:

B: DEKLARATË

Për disponimin e punonjësve dhe makinerive të nevojshme (nëse kërkohen)

<i>Deklarata</i>	<i>Përgjigje</i>
Në cilësinë e operatorit ekonomik, deklaroj nën përgjegjësinë time të plotë se: Unë kam punonjësit e nevojshëm si dhe mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të noterizuar, nëse fitoj, ose nëse më kërkohen sqarime nga autoriteti/enti kontraktor.	<u>Punonjës</u> Po [] Jo [] Nëse, po, numri i punonjësve: Profili i punonjësve <u>Makineri e mjete</u> Po [X] Jo [] Nëse po, të listohen me të dhënat konkrete: XXX -Primar - Leje Mjedisore I 1 B (Tipi B)-Licence III 2 B (Per trajtimin e mbetjeve te rrezikshme Spitalore) (Autoklavim)- 18 01 01 - Bisturite, shiringa, instrumente te mprehta (pervec 18 01 03): 18 01 03 - Mbetjet, grumbullimi dhe asgjesimi i te cilave kerkon traitim te vecante per te parandaluar infeksionet; XXX -Primar-Leje Mjedisore III 1C (Tipi A) - Licence III 2 B (Per trajtim dhe asgjesim i mbetjeve te rrezikshme me metoden incenerimit.) (Incenerim)-18 01 02 - Pjese te trupit dhe organe, perfshire qeset dhe konservuesit e gjakut dhe rezervat e gjakut (perve 18 01 03); XXX -Primar -Leje Mjedisore HII 1C (Tipi A) Paisja larese per kontenitoret shumeperdorimesh. XXX XXX etj...

Emri, Mbiemri _____ Firma _____ Vula _____ Data e dorëzimit të deklaratës _____
--

- Vetëdeklarim i administratorit të shoqërisë “MEDI-TEL” SHPK, datë 27.06.2025, ku deklarohet si më poshtë vijon:

“Unë i nënshkruari Anastas PEÇINI, me cilësinë e ADMINISTRATORIT të personit juridik MEDI-TEL shpk deklaroj se:

Shoqëria MEDI-TEL shpk deklaron se ne si operator ekonomik kemi makineritë për trajtimin dhe asgjësimin e mbetjeve të rrezikshme spitalore për Operatori i Blerjeve të Përqëndruara sipas kriterëve të veçanta të kualifikimit që janë kërkuar:

Implant për trajtimin me sterilizim (teknologji autoklavim ose ekuivalente) XXX. Implant për asgjësimin me incenerim XXX,

Makineri për larjen e kontenerëve XXX, si impiante/makineri bazë primare për realizimin me sukses shërbimit objekt prokurimi.”.

Dokumentin e emërtuar “Autoklava_XXX (Pronesia-_leje-Karte_Teknologjike-CE)”, ku gjenden dokumentat e mëposhtëme:

- Deklarate doganore IM4, me numër nr; R XXX, datë XX.XX.XXX, me eksportues shoqërinë franceze “XXX” SAS dhe importues shoqërinë shqiptare “MEDI-TEL” SHPK, ku vërtetohet importimi i mallit me përshkrimin si në vijim: “Autoklav për trajtimin e mbetjeve”. (1 faqe)
- Deklaratë e lëshuar nga presidenti i kompanisë franceze “XXX” e datës XX shkurt XXXX, në gjuhën angleze, i cili deklaron si më poshtë vijon (1 faqe):

“
TO WHOM IT MAY CONCERN
We, XXX located XXX hereby certifies that:
MEDITEL
Located R Qemal Stafa Nr 51 - TIRANA - ALBANIA
Is authorized to treat medical waste in our machine XXX
Made in XXX - XXX, on February XX XXXX.”.

- Deklaratë e lëshuar nga presidenti i kompanisë franceze “XXX” e datës XX shkurt XXXX, në gjuhën angleze, i përkthyer dhe i noterizuar, i cili deklaron si më poshtë vijon(1 faqe):

“ATI QË MUND T’I INTERËSOJË
Ne, XXX E NDODHUR NË XXX vërteton se;
MEDITEL

E ndodhur në R Qemal Stafa Nrr 51 – Tiranë – Shqipëri është e autorizuar për të trajtuar mbetjet mjekësore në makinerinë tonë XX bërë në XXX, më XX shkurt XXXX Firma, vula”.

- Dokumenti i emërtuar “ENGINEERED SOLUTIONS FOR HEALTH & THE ENVIRONMENT” i prodhuar nën autoritetin e shoqërisë “XXX”, në gjuhën angleze, ku jepen parametrat teknike, certifikimet dhe procesi teknologjik i pajisjeve “XXX”, “XXX”, “XXX” dhe “XXX”. (10 faqe)
- Dokumenti i emërtuar “ENGINEERED SOLUTIONS FOR HEALTH & THE ENVIRONMENT” i prodhuar nën autoritetin e shoqërisë “XXX”, në gjuhën angleze, i përkthyer dhe i noterizuar ku jepen parametrat teknike, certifikimet dhe procesi teknologjik i pajisjeve “XXX”, “XXX”, “XXX” dhe “XXX”. (6 faqe)
- Certifikatë “QUALITY ASSURANCE SYSTEM acc. to Directive 2014/68/EU” me numër no: XXX, datë XX.XX.XXX, në gjuhën angleze, e lëshuar nga trupa e njoftuar “XXX” Gmbh, për prodhuesin “XXX”, e cila vërteton se: “Herewith we certify that the above-mentioned manufacturer operates a quality system according to the European Directive 2014/68/EU. The manufacturer has the permission to affix the following CE marking to pressure equipment described and manufactured in accordance to the scope covered by Quality-Assurance System: CE 0035”, sipas testimit bazik: “Directive 2014/68/EU: QA-System (Module H1)” referuar raportit të auditit me numër no: XXX, ku qëllimi është: “Sterilization machines for infectious waste of type XXX – XXX – XXX – XXX – XXX - XXX Boilers VE40Kw - VE80kW, see annex to certificate: XXX, revision 4 from XX/XX/XXX”, e vlefshme deri në datë XX.XX.XXX. (1 faqe)
- Certifikatë “Sistemi i Sigurimit të Cilësisë sipas Direktivës 2014/68/EU” me numër no: XXX, datë XX.XX.XXX, e përkthyer dhe e noterizuar nga dokumenti original në gjuhën angleze, e lëshuar nga trupa e njoftuar “XXX” Gmbh, për prodhuesin “XXX”, e cila vërteton se: “Me këtë, ne vërtetojmë se prodhuesi i lartëpërmendur operon një sistem të cilësisë në përputhje me Direktivën Europiane 2014/68/BE. Prodhuesi ka lejen të vendosë shenjë e mëposhtë CE në pajisjet e presionit të përshkruara dhe prodhuara në përputhje me fushën e mbuluar nga ky Sistem i Sigurimit të Cilësisë: CE 0035”, testuar sipas: “Direktivës 2014/68/EU: QA-System (Module H1)” referuar raportit të auditimit me numër no: XXX, ku fusha e vlefshmërisë është: “Makinë sterilizimi për mbetje infektive të tipit XXX – XXX – XXX – XXX – XXX - XXX Kaldaja VE40kW-VE80kW, shih shtojcën e certifikatës: XXX, rishikimi 4 nga 12/04/2023”, e vlefshme deri në datë XX.XX.XXXX. (1 faqe)
- Akt Miratimi “Leje Mjedisi Tipi B” nr. 2533/I, datë 13.04.2018, lëshuar nga Agjencia Kombëtare e Medisit, për subjektin “MEDI-TEL” SHPK (lc-7608) me Titull Instalimi: “Asgjesim i mbetjeve të rrezikshme përveç incenerimit (5.1a), ose lenfillim (5.2a)”, me Përshkrim Veprimtarie dhe kapaciteti prodhues: “Asgjesim i mbetjeve të rrezikshme përveç incenerimit (5.1a), ose lenfillimit (5.2a). Kapaciteti i përpunimit është i barabartë me 10 ton/ditë ose më pak se kaq. Sipërfaqe ndërtesë 262 m².”, me vendndodhje:

“Autosdrada TIRANË – Durrës, Km. 1, Rruga “Vidhegjatë”, Ndërtesa Nr. 18, Zona Kadastrale Nr. 2679, Nr Pronësie 41/1/16/2, Mëzez, Kashar, Tiranë.”. (36 faqe)

III.2.5. Referuar dokumentacionit të dërguar nga autoriteti kontraktor Operatori i Blerjeve të Përqendruara nëpërmjet shërbimit postar, me shkresën nr. 1661/8 prot., datë 29.30.2025, protokolluar me tonën me nr.1944/3 prot., datë 30.07.2025, rezulton se për të vertetuar përmbushjen e kriterëve kualifikuese të përcaktuar në pikën 2.1.1 dhe pikën 2.1.2 “*Kapacitetin profesional të operatorëve ekonomikë*”, si dhe pikën 2.3.4 “*Kapaciteti teknik*” të shtojcës 9 “*FORMULARI I KRITEREVE TË PËRZGJEDHJES/KUALIFIKIMIT*” të dokumenteve të tenderit, të procedurës së prokurimit objekt ankimi, operatori ekonomik ofertues i kualifikuar i pari “*MEDI-TEL*” SHPK ka dorëzuar më datë 11.07.2025 pranë entit prokurues dokumentacionin fizik, si më poshtë vijon:

- Shtojcën 10 “*FORMULARI PËRMBLEDHËS I VETËDEKLARIMIT*”, i vulosur dhe i firmosur nga administratori i shoqërisë “*MEDI-TEL*” SHPK, ku në Seksionin B “*Pjesa III Kriteret e Përzgjedhjes/Kualifikimit*” ka deklaruar si më poshtë vijon:

B: DEKLARATË

Për disponimin e punonjësve dhe makinerive të nevojshme (nëse kërkohen)

<i>Deklarata</i>	<i>Përgjigje</i>
<i>Në cilësinë e operatorit ekonomik, deklaroj nën përgjegjësinë time të plotë se:</i>	<u><i>Punonjës</i></u> <i>Po [] Jo []</i> <i>Nëse, po, numri i punonjësve:</i>
<i>Unë kam punonjës të nevojshëm si dhe mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të noterizuar, nëse fitoj, ose nëse më kërkohen sqarime nga autoriteti/enti kontraktor.</i>	<u><i>Profili i punonjësve</i></u> <u><i>Makineri e mjete</i></u> <i>Po [X] Jo []</i> <i>Nëse po, të listohen me të dhënat konkrete:</i> <i>XXX -Primar -Leje Mjedisore III 1 B (Tipi B)-</i> <i>Licence III 2 B (Per trajtimin e mbetjeve te rrezikshme</i> <i>Spitalore) (Autoklavim)- 18 01 01 - Bisturite,</i> <i>shiringa, instrumente te mprehta (pervec 18 01 03):</i> <i>18 01 03 - Mbetjet, grumbullimi dhe asgjesimi i te</i> <i>cilave kerkon traitim te vecante per te parandaluar</i> <i>infeksionet;</i> <i>XXX -Primar-Leje Mjedisore III 1C (Tipi A) -</i> <i>Licence III 2 B (Per trajtim dhe asgjesim i mbetjeve te</i> <i>rrezikshme me metoden incenerimit.) (Incenerim)-18</i> <i>01 02 - Pjese te trupit dhe organe, perfshire qeset dhe</i> <i>konservuesit e gjakut dhe rezervat e gjakut</i>

	(perveç 18 01 03); XXX -Primar -Leje Miedisore III I C (Tipi A) Paisja larese per kontenitoret shumeperdorimesh. XXX XXX etj...
Emri, Mbiemri _____ Firma _____ Vula _____ Data e dorëzimit të deklaratës _____	

- Vetëdeklarim i administratorit të shoqërisë “MEDI-TEL” SHPK, datë 27.06.2025, ku deklarohet si më poshtë vijon:

“Unë i nënshkruari Anastas PEÇINI, me cilësinë e ADMINISTRATORIT të personit juridik MEDI-TEL shpk deklaroj se:

Shoqëria MEDI-TEL shpk deklarohet se ne si operator ekonomik kemi makineritë për trajtimin dhe asgjësimin e mbetjeve të rrezikshme spitalore për Operatori i Blerjeve të Përqëndruara sipas kriterëve të veçanta të kualifikimit që janë kërkuar:

Implant për trajtimin me sterilizim (teknologji autoklavim ose ekuivalente) XXX. Implant për asgjësimin me incenerim XXX,

Makineri për larjen e kontenerëve XXX, si impiante/makineri bazë primare për realizimin me sukses shërbimit objekt prokurimi.”. (1 faqe)

Dokumentin e emërtuar “Autoklava_XXX (Pronesia-_leje-Karte_Teknologjike-CE)”, ku gjenden dokumentat e mëposhtëme:

- Deklarate doganore IM4, me numër nr: R XXX, datë XX.XX.XXX, me eksportues shoqërinë franceze “XXX” SAS dhe importues shoqërinë shqiptare “MEDI-TEL” SHPK, ku vërtetohet importimi i mallit me përshkrimin si në vijim: “Autoklav për trajtimin e mbetjeve”. (1 faqe)
- Deklaratë e lëshuar nga presidenti i kompanisë franceze “XXX” e datës XX shkurt XXXX, në gjuhën angleze, i cili deklarohet si më poshtë vijon (1 faqe):

“ *TO WHOM IT MAY CONCERN*

We, XXX located XXX hereby certifies that:

MEDITEL

Located at R Qemal Stafa Nr 51 - TIRANA - ALBANIA

*Is authorized to treat medical waste in our machine XXX
Made in XXX, on February XX XXXX.”.*

- Deklaratë e lëshuar nga presidenti i kompanisë franceze “XXX” e datës XX shkurt XXXX, në gjuhën angleze, i përkthyer dhe i noterizuar, i cili deklaron si më poshtë vijon(1 faqe):

“ATIJ QË MUND T’I INTERËSOJË

Ne, ECODAS E NDODHUR NË XXX vërteton se;

MEDITEL

E ndodhur në R Qemal Stafa Nrr 51 – Tiranë – Shqipëri është e autorizuar për të trajtuar mbetjet mjekësore në makinerinë tonë XXX bërë në XXX, më XX shkurt XXXX Firma, vulë”.

- Dokumenti i emërtuar “ENGINEERED SOLUTIONS FOR HEALTH & THE ENVIRONMENT” i prodhuar nën autoritetin e shoqërisë “XXX”, në gjuhën angleze, ku jepen parametrat teknike, certifikimet dhe procesi teknologjik i pajisjeve “XXX”, “XXX”, “XXX” dhe “XXX”. (10 faqe)
- Dokumenti i emërtuar “ENGINEERED SOLUTIONS FOR HEALTH & THE ENVIRONMENT” i prodhuar nën autoritetin e shoqërisë “XXX”, në gjuhën angleze, i përkthyer dhe i noterizuar ku jepen parametrat teknike, certifikimet dhe procesi teknologjik i pajisjeve “XXX”, “XXX”, “XXX” dhe “XXX”. (6 faqe)
- Certifikatë “QUALITY ASSURANCE SYSTEM acc. to Directive 2014/68/EU” me numër no: XXX, datë XX.XX.XXXX, në gjuhën angleze, e lëshuar nga trupa e njoftuar “XXX” Gmbh, për prodhuesin “XX”, e cila vërteton se: “Herewith we certify that the above-mentioned manufacturer operates a quality system according to the European Directive 2014/68/EU. The manufacturer has the permission to affix the following CE marking to pressure equipment described and manufactured in accordance to the scope covered by Quality-Assurance System: CE 0035”, sipas testimit bazik: “Directive 2014/68/EU: QA-System (Module H1)” referuar raportit të auditit me numër no: XXX, ku qëllimi është: “Sterilization machines for infectious waste of type XXX – XXX -XXX – XXX – XXX - XXX Boilers VE40kW-VE80kW, see annex to certificate: XXX, revision 4 from XX/XX/XXX”, e vlefshme deri në datë XX.XX.XXXX. (1 faqe)
- Certifikatë “Sistemi i Sigurimit të Cilësisë sipas Direktivës 2014/68/EU” me numër no: XXX, datë XX.XX.XXXX, e përkthyer dhe e noterizuar nga dokumenti origjinal në gjuhën angleze, e lëshuar nga trupa e njoftuar “XXX” Gmbh, për prodhuesin “XX”, e cila vërteton se: “Me këtë, ne vërtetojmë se prodhuesi i lartëpërmendur operon një sistem të cilësisë në përputhje me Direktivën Europiane 2014/68/BE. Prodhuesi ka lejen të vendosë shenjën e mëposhtëne CE në pajisjet e presionit të përshkruara dhe prodhuara në përputhje me fushën e mbuluar nga ky Sistem i Sigurimit të Cilësisë: CE 0035”, testuar sipas: “Direktivës 2014/68/EU: QA-System (Module H1)” referuar raportit të auditimit me numër no: XXX, ku fusha e vlefshmërisë është: “Makineri sterilizimi për mbetje infektive të tipit XXX XXX - XXX – XXX – XXX – XXX - XXX Kaldaja VE40kW-

VE80kW, shih shtojcën e certifikatës: XXX, rishikimi 4 nga 12/04/2023”, e vlefshme deri në datë XX.XX.XXX. (1 faqe)

- Akt Miratimi “Leje Mjedisi Tipi B” nr. 2533/1, datë 13.04.2018, lëshuar nga Agjencia Kombëtare e Medisit, për subjektin “MEDI-TEL” SHPK (lc-7608) me Titull Instalimi: “Asgjesim i mbetjeve të rrezikshme përveç incenerimit (5.1a), ose lëndfillim (5.2a)”, me Përshkrim Veprimtarie dhe kapaciteti prodhues: “Asgjesim i mbetjeve të rrezikshme përveç incenerimit (5.1a), ose lëndfillimit (5.2a). Kapaciteti i përpunimit është i barabartë me 10 ton/ditë ose më pak se kaq. Sipërfaqe ndërtesë 262 m².”, me vendndodhje: “Autosdrada TIRANË – Durrës, Km. 1, Rruga “Vidhegjatë”, Ndërtesa Nr. 18, Zona Kadastrale Nr. 2679, Nr Pronësie 41/1/16/2, Mëzez, Kashar, Tiranë.”. (36 faqe)

Për pikën 2.1.1 dhe pikën 2.1.2 “Kapaciteti profesional” të shtojcës 9 “FORMULARI I KRITEREVE TË PËRZGJEDHJES/KUALIFIKIMIT” të dokumenteve të tenderit

- Akt Miratimi “Leje Mjedisi **Tipi B**” nr. **2533/1**, datë 13.04.2018, lëshuar nga Agjencia Kombëtare e Medisit, për subjektin “MEDI-TEL” SHPK (LC-7608) me **Titull Instalimi: “Asgjesim i mbetjeve të rrezikshme përveç incenerimit (5.1a), ose lëndfillim (5.2a)”**, me Përshkrim Veprimtarie dhe kapaciteti prodhues: “Asgjesim i mbetjeve të rrezikshme përveç incenerimit (5.1a), ose lëndfillimit (5.2a). Kapaciteti i përpunimit është i barabartë me 10 ton/ditë ose më pak se kaq. Sipërfaqe ndërtesë 262 m².”, me vendndodhje: “Autosdrada TIRANË – Durrës, Km. 1, Rruga “Vidhegjatë”, Ndërtesa Nr. 18, Zona Kadastrale Nr. 2679, Nr Pronësie 41/1/16/2, Mëzez, Kashar, Tiranë.”. (36 faqe)
- Akt Miratimi “Leje Mjedisi **Tipi A**” nr. **3133/1**, datë 28.04.2023, lëshuar nga Agjencia Kombëtare e Medisit, për subjektin “MEDI-TEL” SHPK (LC-4473) me **Titull Instalimi: “Menaxhim i mbetjeve”**, me Përshkrim Veprimtarie dhe kapaciteti prodhues: “I.D 5.1/a Incenerimi i mbetjeve të rrezikshme në një instalim incenerimi. I.D 5.1/c Incinerim i mbetjeve duke përfshirë mbetjet e kafshëve në një instalim incinerimi, përveç atij të referuar në pikën 5.1/a. ID 5.6/a Pastrim, larje sprucim ose veshje e mbetjeve të ambalazheve/ paketimeve ose kontenierëve në mënyrë që të ripërdoren. ID 5.10/a Stacion transferimi për mbetje të rrezikshme që nuk përmendet më lart. ID 5.10/b Stacion transferimi për mbetje jo të rrezikshme që nuk përmendet më lart, Siperfaqja e ndërtesës ku zhvillohet aktiviteti është 262 m². Kapaciteti i projektuar për incinerim është 1 ton/orë.”, me vendndodhje: “Autosdrada TIRANË – Durrës, Km. 1, Rruga “Vidhegjatë”, Ndërtesa Nr. 18, Zona Kadastrale Nr. 2679, Nr Pronësie 41/1/16/2, Mëzez, Kashar, Tiranë.”, ku në tabëlën 1.1.2 – Lista e veprimtarive të lidhura me to është përcaktuar si në vijim: “Incineratori që do të instalohet është “Mediburn 30” prodhuar nga Elastec në strukturë të certifikuar ISO 9001:2008”. (54 faqe)
- Akt Miratimi “**Licensë e kategorisë III.2.B**” nr. **367**, datë 08.11.2019, lëshuar nga Agjencia Kombëtare e Medisit, për subjektin “MEDI-TEL” SHPK (LC-4716) me **Titull Instalimi: “Menaxhim i mbetjeve”**, me aktivitet të licensuar: “**Grumbullimi, transportim, ruajtje, trajtim dhe asgjesim i mbetjeve të rrezikshme spitalore**”, me vendndodhje: “Autosdrada TIRANË – Durrës, Km. 1, Rruga “Vidhegjatë”, Ndërtesa Nr. 18, Zona Kadastrale Nr. 2679, Nr Pronësie 41/1/16/2, Mëzez, Kashar, Tiranë”. (3 faqe)

- Akt Miratimi “**Licensë e kategorisë III.2.B**” nr. 384/3, datë 03.07.2023, lëshuar nga Agjencia Kombëtare e Medisit, për subjektin “MEDI-TEL” SHPK (LC-2619) me **Titull Instalimi: “Menaxhim i mbetjeve”**, me aktivitet të licensuar: “**Grumbullimi, depozitim, transportim, trajtim dhe asgjësim i mbetjeve të rrezikshme dhe jo të rrezikshme me metodën e ininerimit**”, me vendndodhje: “Autosdrada TIRANË – Durrës, Km. 1, Rruga “Vidhegjatë”, Ndërtesa Nr. 18, Zona Kadastrale Nr. 2679, Nr Pronësie 41/1/16/2, Mëzez, Kashar, Tiranë”. (2 faqe)
- Leje mjedisi e tipit B, me kodin: III.1.B, me numër: **PN-4737-03-2017**, lëshuar nga Qendra Kombëtare e Biznesit për shoqërinë “MEDI-TEL” SHPK, me emërtimin përshkrues të veprimtarisë: “Leje mjedisi e tipi B për Asgjësimin e mbetjeve të rrezikshme përveç incinerimit (5.1a) ose lëndfillimit (5.2a)”, ku vendi i kryerjes së veprimtarisë është në adresën: “Qarku Tiranë Rrethi Tiranë, B/K: Kashar Q/F: Adresa: Autosdrada TIRANË – Durrës, Km. 1, Rruga “Vidhegjatë”, Ndërtesa Nr. 18, Zona Kadastrale Nr. 2679, Nr Pronësie 41/1/16/2.”. (1 faqe)
- Leje mjedisi e tipit A, me kodin: III.1.C, me numër: PN-9903-03-2020, lëshuar nga Qendra Kombëtare e Biznesit për shoqërinë “MEDI-TEL” SHPK, me emërtimin përshkrues të veprimtarisë: “Leje mjedisi e tipit A për: Incinerimi i mbetjeve të rrezikshme në një instalim incinerimi. Incinerim i mbetjeve duke përfshirë mbetjet e kafshëve në një instalim incinerimi, përveç atij të referuar në pikën 5.1 a. Pastrim, larje sprucim ose veshje e mbetjeve të ambalazheve/ paketimeve ose kontenierëve në mënyrë që të ripërdoren Stacion transferimi për mbetje të rrezikshme. Stacion transferimi për mbetje jo të rrezikshme.”, ku vendi i kryerjes së veprimtarisë është në adresën: “Qarku Tiranë Rrethi Tiranë, B/K: Kashar Q/F: Adresa: Autosdrada TIRANË – Durrës, Km. 1, Rruga “Vidhegjatë”, Ndërtesa Nr. 18, Zona Kadastrale Nr. 2679, Nr Pronësie 41/1/16/2.”. (1 faqe)
- Licensë me kodin: III.2.B, me numër: LN-9352-11-2019, lëshuar nga Qendra Kombëtare e Biznesit për shoqërinë “MEDI-TEL” SHPK, me emërtimin përshkrues të veprimtarisë: “Grumbullim, transportim, ruajtje, trajtim dhe asgjësim i mbetjeve të rrezikshme spitalore.”, ku vendi i kryerjes së veprimtarisë është në adresën: “Qarku Tiranë Rrethi Tiranë, B/K: Kashar Q/F: Adresa: Autosdrada TIRANË – Durrës, Km. 1, Rruga “Vidhegjatë”, Ndërtesa Nr. 18, Zona Kadastrale Nr. 2679, Nr Pronësie 41/1/16/2.”. (1 faqe)
- Licensë me kodin: III.2.B, me numër: LN-0357-03-2020, lëshuar nga Qendra Kombëtare e Biznesit për shoqërinë “MEDI-TEL” SHPK, me emërtimin përshkrues të veprimtarisë: “Grumbullim, depozitim, transportim, trajtim dhe asgjësim i mbetjeve të rrezikshme dhe jo të rrezikshme me metodën incinerimit.”, ku vendi i kryerjes së veprimtarisë është në adresën: “Qarku Tiranë Rrethi Tiranë, B/K: Kashar Q/F: Adresa: Autosdrada TIRANË – Durrës, Km. 1, Rruga “Vidhegjatë”, Ndërtesa Nr. 18, Zona Kadastrale Nr. 2679, Nr Pronësie 41/1/16/2.”. (1 faqe)

III.2.6. Lidhur me pretendimin e operatorit ekonomik ankimues si në vijim: “...Referuar **pikës 2.3.4** të Kërkesave të Veçanta për Kualifikim, operatori ekonomik duhet të provojë se disponon impiante dhe makineri specifike për përmbushjen e objektit të prokurimit, duke i pasqyruar ato në mënyrë të detajuar në formularin e vetëdeklarimit sipas të dhënave që rezultojnë në lejen mjedisore përkatëse.

Në këtë kuadër, operatori ekonomik “MEDI-TEL” shpk, në formularin e vetëdeklarimit (Shtojca nr.10) ka deklaruar se disponon pajisjen “ECODAS” për trajtim me sterilizim (autoklavë) dhe se kjo pajisje është e përfshirë në lejen PN-4737-03-2017, me kodin III.1.B nënkategoria Leje Mjedisore Tip B, me akt miratimi nr.2959/1 prot., date 13.04.2018, nr. i identifikimi i lejes 2533/1, e cila duhet të jetë pjesë e dokumentacionit zyrtar të ofertës.

Nga shqyrtimi i kësaj leje mjedisore e cila është e aksesueshme online në faqen zyrtare të Qendrës Kombëtare të Biznesit, www.qkb.gov.al, rezulton qartazi se:

- Emri i pajisjes “ECODAS” nuk është i deklaruar askund në lejen me kodin III.1.B, të sipërcituar.
- Nuk ka asnjë përmendje të identifikueshme të markës, modelit, numrit serial apo të dhëna të tjera për ndonjë pajisje konkrete.
- Në përshkrimin teknik flitet në mënyrë të përgjithshme për “teknologji autoklavimi”, pa identitet të veçantë të ndonjë impianti real.

Ky fakt është thelbësor dhe përbën deklaram të rremë, pasi:

- Deklarimi në formularin e vetëdeklarimit është në kundërshtim me të dhënat e dokumentit ligjor përkatës, pra me lejen mjedisore të sipërcituar;
- Në këtë mënyrë, operatori është vetëdeklaruar në mënyrë të pavërtetë, duke pretenduar përmbushjen e një kriteri të detyrueshëm me një pajisje që nuk e ka të deklaruar në lejen mjedisore.

Bazuar në nenin 76, pika 5, të Ligjit nr. 162/2020 për Prokurimin Publik, ku percaktohet: “5. Autoriteti ose enti kontraktor skualifikon çdo kandidat ose ofertues, që paraqet të dhëna të rreme për qëllime kualifikimi, në çdo kohë, deri në momentin e lidhjes së kontratës dhe raporton në Agjencinë e Prokurimit Publik, për qëllimet e parashikuara në nenin 78 të këtij ligji”, e thënë me qartë çdo paraqitje e të dhënave të rreme me qëllim kualifikimi në procedurë prokurimi përbën bazë të mjaftueshme për skualifikim dhe për informim të menjëhershëm të APP, në funksion të ndalimit të përkohshëm të operatorit.

Operatori “MEDI-TEL” SHPK ka paraqitur një vetëdeklarim të rremë, duke pretenduar se pajisja “ECODAS” është e përfshirë në lejen mjedisore, ndërkohë që kjo nuk është e vërtetë dhe mund të verifikohet publikisht në faqen web të QKB dhe aktet e AKM. Ky veprim përbën shkelje serioze të integritetit të procedurës, duke cenuar konkurrencën, barazinë në garë dhe besueshmërinë e sistemit të prokurimeve publike. Në këtë rast, autoriteti kontraktor jo vetëm që ka dështuar të konstatojnë këtë devijim të rëndë, por ka lejuar kualifikimin e operatorit në kundërshtim të hapur me dokumentet e tenderit dhe me detyrimet ligjore të autoriteteve publike për verifikim të saktë dhe të plotë të deklarimeve, si dhe qartësisht ka favorizuar OE në këtë procedurë prokurimi.

Çdo mosveprim për të ndëshkuar këtë devijim i barazohet bashkëpunimit institucional për deformim të qëllimshëm të procesit të përzgjedhjes së fituesit.”, Komisioni i Shqyrtimit të Ankesave pranë autoritetit kontraktor Operatori i Blerjeve të Përqëndruara SH.A referuar shkresës nr. 1661/8 prot., datë 29.30.2025, protokolluar me tonën me nr.1944/3 prot., datë 30.07.2025 nuk e ka pranuar këto pretendime të ankimuesit duke argumentuar si në vijim: “Komisioni i Shqyrtimit të Ankesave, pasi mori në shqyrtim dokumentacionin e paraqitur në sistemin e prokurimit elektronik nga operatori ekonomik i shpallur fitues paraparak, "Medi-Tel" shpk konstaton se ky i fundit, në përmbushje të kriterit të sipërcituar, ka paraqitur dokumentacionin që zotëron mjetet e kërkuara, të dhënat teknike si dhe pasqyrimin e tyre në aktet e miratimeve të lëshuara nga Ministria e Turizmit dhe Mjedisit, për lejet dhe licensat.”.

III.2.7. Në nenin 2 “Qëllimi” të ligjit nr. 162/2020 “Për Prokurimin Publik”, i ndryshuar parashikohet shprehimisht se:

“Qëllim i këtij ligji është:

- a) të rrisë efikasitetin dhe efikasitetin në procedurat e prokurimit publik;
- b) të sigurojë mirëpërdorim të fondeve publike dhe të ulë shpenzimet procedurale;
- c) të nxisë pjesëmarrjen e operatorëve ekonomikë në procedurat e prokurimit publik;
- ç) të nxisë konkurrencën ndërmjet operatorëve ekonomikë;
- d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik
- dh) të sigurojë integritet, besim publik dhe transparencë në procedurat e prokurimit publik.”.

Ndërkohë në nenin 3 “Parime të përgjithshme” të ligjit nr. 162/2020 “Për Prokurimin Publik”, i ndryshuar, parashikohet shprehimisht se:

- “1. Autoritetet dhe entet kontraktore garantojnë trajtim të barabartë dhe jodiskriminues për operatorët ekonomikë, si dhe veprojnë me transparencë e në mënyrë proporcionale.
- 2. Autoritetet dhe entet kontraktore nuk duhet të shmangin fushën e zbatimit të këtij ligji ose të ngushtojnë në mënyrë artificiale konkurrencën. Konkurrenca konsiderohet se është ngushtuar artificialisht kur prokurimi përgatitet me qëllimin për të favorizuar ose dëmtuar në mënyrë të padrejtë operatorë ekonomikë të caktuar.
- 3. Autoritetet dhe entet kontraktore janë të detyruara të zbatojnë detyrimet e përcaktuara në legjislacionin mjedisor, social e të punës dhe në dispozitat e marrëveshjeve dhe konventat ndërkombëtare, të ratifikuara në përputhje me Kushtetutën.”.

III.2.8. Neni 77 “Kërkesat për kualifikim” pikat 1 dhe 4, të ligjit nr.162/2020 “Për prokurimin publik”, i ndryshuar, parashikohet shprehimisht se:

- “1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

- a) përshtatshmërinë për të kryer veprimtarinë profesionale;
- b) gjendjen ekonomike dhe financiare;
- c) aftësinë teknike dhe profesionale.

Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën. A

ftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.”.

III.2.9. Neni 82 “Formulari përmbledhës i vetëdeklarimit” të ligjit nr.162/2020 “Për prokurimin publik”, i ndryshuar, parashikohet shprehimisht se:

“1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik.

Kur autoriteti ose enti kontraktor mund t’i marrë dokumentet mbështetëse duke u futur direkt në një bazë të aksesueshme të dhënash shtetërore, në formularin përmbledhës të vetëdeklarimit përcaktohet edhe informacioni që kërkohet për këtë qëllim, siç është adresa në internet e bazës të të dhënave, çdo e dhënë identifikimi dhe, sipas rastit, në deklaratën e nevojshme për dhënien e pëlqimit.

Operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

2. Në çdo kohë gjatë procedurës, autoriteti ose enti kontraktor mund t’u kërkojë ofertuesve dhe kandidatëve sqarime dhe dokumente mbështetëse për këto sqarime, kur kjo është e nevojshme për të garantuar zbatimin korrekt të procedurës.

3. Pavarësisht pikës 2 të këtij neni, operatorëve ekonomikë nuk u kërkohet të dorëzojnë dokumente mbështetëse kur autoriteti ose enti kontraktor që ka dhënë kontratën ose ka lidhur marrëveshjen kuadër i ka këto dokumente.

4. Në rastin e operatorëve ekonomikë të huaj, dokumentet duhet të paraqiten në formën e kërkuar nga legjislacioni në fuqi për njohjen e dokumentacionit. Në raste të dokumenteve që nuk lëshohen në vendin e origjinës, ky fakt duhet të provohet prej operatorëve ekonomikë.

5. Në procedurat e prokurimit me një fazë, përpara publikimit të njoftimit të fituesit dhe nisjes së afateve të ankimit, autoriteti ose enti kontraktor i kërkon ofertuesit të kualifikuar i pari që të dorëzojë:

a) dokumentet e paraqitura si pjesë e ofertës në rrugë elektronike, të cilat në kohën e dorëzimit pranë autoritetit ose entit kontraktor duhet të jenë origjinale ose kopje të noterizuara të tyre;

b) dokumentet mbështetëse në origjinal ose një kopje të noterizuar të tyre për vetëdeklarimet e dhëna.

Në procedurat e prokurimit me faza, dokumentacioni, sipas shkronjave “a” dhe “b” të kësaj pike, u kërkohet të gjithë kandidatëve të kualifikuar në fazën e parë, përpara nisjes së afateve të ankimit. 6. Për operatorët ekonomikë të regjistruar në regjistrat tregtarë shqiptarë, krijimi dhe plotësimi i formularit përmbledhës të vetëdeklarimit kryhet në Sistemin e Prokurimit Elektronik.

7. Pavarësisht parashikimeve të pikës 5 të këtij neni, operatorëve ekonomikë të regjistruar në regjistrat tregtarë shqiptarë nuk u kërkohet të paraqesin dokumente mbështetëse ose prova të tjera dokumentare për atë pjesë të informacionit të deklaruar dhe të gjeneruar automatikisht në Sistemin e Prokurimit Elektronik si pjesë e formularit përmbledhës të vetëdeklarimit nga ndërveprimi me sisteme të tjera elektronike.

8. Operatorët ekonomikë mund të përmbushin kriteret e përgjithshme dhe të veçanta të kualifikimit edhe nëpërmjet dosjes virtuale të operatorit, e krijuar në Sistemin e Prokurimit Elektronik përmes ndërveprimit me sisteme të tjera elektronike për ruajtjen e dokumenteve. Dokumentet e dorëzuara si pjesë e dosjes virtuale të operatorit duhet të jenë të gjeneruara nga sisteme të tjera elektronike ose të noterizuara përmes ndërveprimit me sistemin elektronik të Dhomës Kombëtare të Noterisë. Operatorët ekonomikë janë përgjegjës për përditësimin e të dhënave në mënyrë automatike, për aq sa është e mundur, në dosjen virtuale të operatorit.

9. Për operatorët ekonomikë vendës, Sistemi i Prokurimit Elektronik verifikon automatikisht përmes ndërveprimit me sisteme të tjera përmbushjen e kushteve detyruese për skualifikim dhe kriterëve të veçanta të kualifikimit për aq sa është e zbatueshme.

10. Në procedurat e prokurimit me një fazë, përpara publikimit të njoftimit të fituesit dhe nisjes së afateve të ankimit, autoriteti ose enti kontraktor për operatorët ekonomikë të huaj i kërkon ofertuesit të kualifikuar i pari që të dorëzojë pranë autoritetit kontraktor në origjinal ose kopje të noterizuar dokumentet e paraqitura në rrugë elektronike, të cilat nuk mund të gjenerohen automatikisht nga sistemet e tjera me anë të ndërveprimit. Dokumentet e noterizuara para noterëve publikë të Republikës së Shqipërisë dorëzohen online në Sistemin e Prokurimit Elektronik përmes ndërveprimit me sistemin elektronik të Dhomës Kombëtare të Noterisë.

Në procedurat e prokurimit me faza, dokumentacioni sipas pikës 5 u kërkohet të gjithë kandidatëve të kualifikuar në fazën e parë, përpara nisjes së afateve të ankimit.

11. Autoriteti ose enti kontraktor do të përdorë sistemin e-Certis për të marrë informacion për llojet dhe format e provave të përmendura në këtë nen dhe për autoritetet kompetente, që i lëshojnë ato në shtetet anëtare të Bashkimit Evropian.”.

III.2.10. Neni 26 “Formulari përmbledhës i vetëdeklarimit” pika 6, të VKM Nr.285 datë 19.05.2021 “Për miratimin e rregullave të prokurimit publik”, i ndryshuar, parashikohet shprehimisht se:

“1. Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla.

2. Formulari përmbledhës i vetëdeklarimit përmban informacion dhe deklarin, si më poshtë vijon:

a) operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin ose sipas legjislacionit të posaçëm, në rastin e një organizate jofitimprurëse, ka në fushën e veprimtarisë objektin e prokurimit dhe ka statusin aktiv;

b) operatori ekonomik nuk është dënuar për asnjë nga veprat penale, të parashikuara në pikën 1, të nenit 76, të LPP-së;

c) personi/at në cilësinë e anëtarit të organit administrativ, drejtuesit ose mbikëqyrësit, aksionarit ose ortakut, ose që ka kompetenca përfaqësuese, vendimmarrjeje ose kontrolluese brenda operatorit ekonomik, nuk është ose ka qenë i dënuar me vendim gjyqësor të formës së prerë për asnjë nga veprat penale, të përcaktuara në pikën 1, të nenit 76, të LPP-së;

ç) operatori ekonomik nuk është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi;

d) operatori ekonomik nuk është në proces falimentimi; dh) operatori ekonomik ka paguar të gjitha detyrimet për pagimin e taksave dhe tatimeve e të kontributeve të sigurimeve shoqërore, sipas parashikimeve të pikës 2, të nenit 76, të LPP-së;

e) operatori ekonomik ka shlyer të gjitha detyrimet e maturuara të energjisë elektrike dhe përmbush kërkesat që rrjedhin nga legjislacioni i fushës në fuqi. Ky informacion kërkohet për operatorët ekonomikë, të cilët ushtrojnë veprimtarinë në territorin e Republikës së Shqipërisë;

ë) operatori ekonomik nuk ndodhet në kushtet e konfliktit të interesit, sipas legjislacionit në fuqi;

f) operatori ekonomik ushtron aktivitetin në zbatim të kërkesave ligjore të legjislacionit mjedisor, social dhe të punës;

g) operatori ekonomik ka paraqitur ofertë të pavarur, sipas kërkesave të legjislacionit në fuqi;

gj) operatori ekonomik përmbush specifikimet teknike, sipas kërkesave të përcaktuara nga autoriteti/enti kontraktor;

h) operatori ekonomik disponon fuqinë punëtore, të nevojshme për ekzekutimin e kontratës, sipas kërkesave të autoritetit/entit kontraktor (kur është rasti);

- i) operatori ekonomik disponon mjetet dhe makineritë e nevojshme për ekzekutimin e kontratës, sipas kërkesave të autoritetit/entit kontraktor, kur është rasti;*
 - j) informacion mbi subjektet, mbi kapacitetet e të cilave, operatori ekonomik do të mbështetet, nëse është rasti dhe nënkontraktorët e mundshëm, nëse është rasti;*
 - k) operatori ekonomik ushtron aktivitetin konform kërkesave të legjislacionit në fuqi;*
 - l) operatori ekonomik ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi;*
 - ll) operatori ekonomik i regjistruar në regjistrin tregtar shqiptar zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë.*
- 3. Informacioni i pasqyruar në formularin e vetëdeklarimit, i cili gjendet në një bazë të dhënash, ku autoriteti/enti kontraktor mund të aksesojë direkt këtë informacion dhe/ose dokumentin, duhet të shoqërohet me adresën përkatëse për këtë bazë të dhënash.*
- 4. Për përmbushjen e detyrimit sipas këtij neni, operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.*
- 5. Operatorëve ekonomikë nuk u kërkohet të dorëzojnë dokumente mbështetëse, kur autoriteti ose enti kontraktor që ka dhënë kontratën ose ka lidhur marrëveshjen kuadër, i ka këto dokumente.*
- 6. Në procedurat e prokurimit me një fazë, përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar i pari dorëzimin e dokumenteve provuese, të parashikuara në shkronjat “a”, “b”, “d”, “dh”, “e”, “h”, “i” dhe “j”, të pikës 2, të këtij neni, si dhe dokumentet e tjera shoqëruese të ofertës, të dorëzuara në rrugë elektronike.*
- Në procedurat e prokurimit me faza, ky dokumentacion i kërkohet të gjithë kandidatëve të kualifikuar në fazën e parë, përpara nisjes së afateve të ankimit.*
- Ofertuesi i kualifikuar i pari, përpara publikimit të njoftimit të fituesit dhe nisjes së afateve të ankimit, duhet të dorëzojë dokumentet provuese, të cilat duhet të jenë në origjinal ose në kopje të njësuara me origjinalin.*
- Për dokumentet e ofertës, të ngarkuara në sistemin e prokurimit elektronik, ofertuesi i kualifikuar i pari duhet t'i paraqesë këto dokumente në origjinal ose të njësuara me origjinalin. Gjithashtu, dokumentet provuese, që do të paraqiten për të provuar vetëdeklarimet e bëra, duhet të paraqiten në origjinal ose të njësuara me origjinalin dhe të provojnë gjendjen faktike të ofertuesit në kohën e ofertimit të tij.*
- Autoriteti/enti kontraktor pranon një dokument të lëshuar nga i njëjti institucion ose palë e tretë dhe që ka të njëjtin informacion me atë të paraqitur në procedurën e zhvilluar në mënyrë elektronike.*
- Operatorët ekonomikë të huaj duhet të paraqesin dokumentet në formën e kërkuar nga legjislacioni në fuqi për njohjen e dokumentacionit të lëshuar në një shtet të huaj.*
- Për dokumentet që nuk lëshohen në vendin e origjinës, operatorët ekonomikë duhet të vetëdeklarojnë këtë fakt, përndryshe dokumentacioni do të konsiderohet i paparaqitur.*

7. Në çdo rast, autoriteti/enti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik, si më sipër, ose t'i kërkojë operatorit sqarime dhe dokumente mbështetëse për këto sqarime.”.

III.2.11. Neni 41 “Kërkesa të veçanta për kontratat e shërbimeve” pika 4, të VKM Nr.285 datë 19.05.2021 “Për miratimin e rregullave të prokurimit publik”, i ndryshuar, parashikohet shprehimisht se:

“4. Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon:

a) licenca profesionale për realizimin e shërbimeve, objekt i kontratës, të lëshuara nga autoritetet kompetente shtetërore; dhe/ose

b) një listë të personelit kryesor, të nevojshëm për të zbatuar objektin e prokurimit dhe/ose komponentët e saj. Lista e personelit kryesor duhet të përfshijë CV-të e tyre dhe licencat profesionale, kur kanë të tilla sipas legjislacionit përkatës; dhe/ose

c) fuqinë punëtore të operatorit ekonomik të nevojshëm për ekzekutimin e objektit të prokurimit; dhe/ose

ç) mjetet dhe pajisjet teknike që ka në dispozicion apo që mund t'i vihen në dispozicion operatorit ekonomik për të përmbushur kontratën;

d) Në rastin e prokurimit të shërbimeve me natyrë intelektuale, ku nuk mbizotërojnë aspektet fizike të veprimtarisë dhe që kërkojnë ekspertizë të posaçme, stafi i angazhuar të paraqesë deklaratë disponueshmërie për kryerjen e shërbimeve që ka marrë përsipër të realizojë.”.

III.2.12. Në nenin 11 “Shqyrtimi i kërkesës për leje mjedisi të tipave A dhe B” të Ligjit Nr. 10448 datë 14.07.2011 “PËR LEJET E MJEDISIT”, i ndryshuar, parashikohet shprehimisht se:

“Këshilli i Ministrave, me propozim të ministrit, miraton kërkesat e posaçme për shqyrtimin e kërkesave për leje mjedisi të tipave A dhe B, për transferimin e lejeve nga një subjekt tek tjetri, kushtet e lejeve respektive të mjedisit, si dhe rregullat e hollësishme për shqyrtimin e tyre nga autoritetet kompetente, të përcaktuara në këtë ligj, deri në lëshimin e këtyre lejeve nga QKB-ja.”.

Ndërsa në Shtojcën 1 të Ligjit Nr. 10448 datë 14.07.2011 “PËR LEJET E MJEDISIT”, i ndryshuar, përcaktohet si më poshtë vijon:

Shtojca 1

Lejet e mjedisit të tipave A dhe B, në varësi të kapacitetit prodhues kufi

Kur një operator kryen veprimtari të ndryshme nën të njëjtin nëntitull, si më poshtë, dhe në të njëjtin instalim ose në të njëjtën vendndodhje, kapacitetet e këtyre veprimtarive mblidhen bashkë. N.q.s. nuk përcaktohet ndryshe, në tabelën e mëposhtme, kapaciteti kufi nënkupton kapacitetin e plotë prodhues të asaj veprimtarie, pavarësisht nga fakti nëse ai shfrytëzohet plotësisht apo jo.

	ID	Veprimtaria	Kapaciteti kufi për lejet e tipit A	Kapaciteti kufi për lejet e tipit B
Menaxhimi i mbetjeve	5.1	a. Incinerimi i mbetjeve të rrezikshme në një instalim incinerimi.	Të gjitha instalimet.	
		b. Incinerimi i mbetjeve urbane jo të rrezikshme.	Të gjitha instalimet.	
		c. Incinerim i mbetjeve duke përfshirë mbetjet e kafshëve në një instalim incinerimi, përveç atij të referuar në pikën 5.1 a	Instalimi i incinerimit përdoret ose është dizenuar për të djegur mbetje me intensitet më shumë se 1 ton/orë.	Instalimi i incinerimit përdoret ose është dizenuar për të djegur mbetje me intensitet të barabartë me 1 ton/orë ose më pak se kaq.
	5.2	a. Lendfilli i mbetjeve (D1) duke përjashtuar lendfillin e mbetjeve inerte.	Kapaciteti i depozitimit është më i madh se 10 ton/ditë ose kapaciteti i dizenuar i lendfillit është më i madh se 25000 tonë.	Kapaciteti depozitues është i barabartë me 10 ton/ditë ose më pak se kaq ose kapaciteti i dizenuar i lendfillit është 25000 tonë ose më pak se kaq.
		b. Lendfill i mbetjeve inerte.		Të gjitha instalimet.
	5.3	a. Asgjësimi i mbetjeve të rrezikshme përveç incinerimit (5.1.a) ose lendfillimit (5.2 a).	Kapaciteti i përpunimit është më i madh se 10 ton/ditë.	Kapaciteti i përpunimit është i barabartë me 10 ton/ditë ose më pak se kaq.

		b. Asgjësimi i vajrave të përdorur përveç incinerimit (5.1 a) ose lëndfillimit (5.2.a).	Kapaciteti i përpunimit është më i madh se 10 ton/ditë.	Kapaciteti i përpunimit është i barabartë me 10 ton/ditë, ose më pak se kaq.
		c. Asgjësimi i mbetjeve jo të rrezikshme me trajtim biologjik (D8).	Kapaciteti i përpunimit është më i madh se 10ton/ditë.	Kapaciteti i përpunimit është i barabartë me 50 ton/ditë ose më pak se kaq.
		d. Asgjësimi i mbetjeve jo të rrezikshme me trajtim fiziko – kimik (D9).	Kapaciteti i përpunimit është më i madh se 50 ton/ditë.	Kapaciteti i përpunimit është i barabartë me 50 ton/ditë ose më pak se kaq.
		e. Asgjësimi i mbetjeve jo të rrezikshme me metoda të tjera përveç (D1), (D8) ose (D9).		Të gjitha instalimet.
	5.4	a. Rikuperim i mbetjeve të rrezikshme me anë të operacioneve R1, R5, R6, R8, ose R9.	Të gjitha instalimet.	
		b. Rikuperim i mbetjeve të rrezikshme me anë të operacioneve R2, R3, R4, R7 ose R10.		Të gjitha instalimet.
		c. Rikuperim i mbetjeve jo të rrezikshme		Të gjitha instalimet.
	5.5	Magazinin i hekurishteve/skrapeve të metalit që nuk përmbajnë materiale të rrezikshme.		Kapaciteti i barabarte me 50 ton/ditë ose më i madh se kaq.

	5.6	a. Pastrim, larje sprucim ose veshje e mbetjeve të ambalazheve/ paketimeve ose kontejnerëve në mënyrë që të ripërdoren.		Kapaciteti i barabartë me 50 ton/ditë ose më i madh se kaq.
		b. Magazinim i mbetjeve në lidhje me zbatimin e veprimtarive të pikës 5.6 a.		Kapaciteti i barabartë me 50 ton/dite ose më i madh se kaq.
	5.7	Magazinim, trajtim, riparim ose rinovim i mbetjeve të pajisjeve elektrike dhe elektronike (WEEE).		Të gjitha instalimet.
	5.8	Magazinim, rikuperim i hekurishteve/ skrapeve të metalit ose çmontim i mbetjeve nga motorët e makinave.		Të gjitha instalimet.
	5.9	Magazinim i përkohshëm i mbetjeve duke përfshirë tepricat e produkteve nga kontejnerët ose nga larjet e kontejnerëve, dhe çdo mbetje të rrezikshme në mjediset pritëse të një zone portuale dhe ku mbetjet janë magazinuar për jo më shumë se 7 ditë.		Të gjitha instalimet.

	5.1	a. Stacion transferimi për mbetje të rrezikshme që nuk përmendet më lart.		Të gjitha instalimet.
		b. Stacion transferimi për mbetje jo të rrezikshme që nuk përmendet më lart.		Kapaciteti i barabartë me 50 ton/ditë ose më i madh se kaq.
	5.11	Kompostim i mbetjeve bio.		Kapaciteti i kompostimit më i madh se 50 ton/ditë.

III.2.13. Në VKM Nr. 419 datë 25.06.2014 “PËR MIRATIMIN E KËRKESAVE TË POSAÇME PËR SHQYRTIMIN E KËRKESAVE PËR LEJE MJEDISI TË TIPAVE A DHE B, PËR TRANSFERIMIN E LEJEVE NGA NJË SUBJEKT TE TJETRI, TË KUSHTEVE PËR LEJET RESPEKTIVE TË MJEDISIT, SI DHE RREGULLAVE TË HOLLËSISHME PËR SHQYRTIMIN E TYRE NGA AUTORITETET KOMPETENTE DERI NË LËSHIMIN E KËTYRE LEJEVE NGA QKB-ja”, i ndryshuar, parashikohet shprehimisht se:

KREU II

PROCEDURAT PËR SHQYRTIMIN E KËRKESAVE DHE PËRCAKTIMI I KUSHTEVE PËR LEJE MJEDISI TË TIPIT A

1. Kërkuesi që aplikon në Qendrën Kombëtare të Biznesit (QKB) nëpërmjet portalit “e-Albania”, për pajisjen me leje mjedisi të tipit A, duhet të dorëzojë këto dokumente:

a) Formularin informues për pajisje me leje mjedisi të tipit A, **sipas shtojcës 1**, bashkëlidhur këtij vendimi;

b) Mandatpagesën për tarifën përkatëse për lejen e mjedisit të tipit A, sipas nenit 25 të ligjit nr.10448, datë 14.7. 2011, “Për lejet e mjedisit”;

c) çdo dokument tjetër i nevojshëm që vërteton deklaratimet në formularin informues, që kërkuesi i lejes kërkon të merret parasysh gjatë shqyrtimit të aplikimit;

ç) Shfuqizuar;

d) Raportin mbi sigurinë, në përputhje me legjislacionin në fuqi për parandalimin e rreziqeve nga

aksidentet madhore, kur kërkohet;

dh) Relacion rreth dëgjësës me publikun, sipas përcaktimit në pikën 13 të kreut VI të këtij vendimi.

...

7. Formati standard i aktit të miratimit dhe aktit të refuzimit, për lejet e mjedisit të tipit A, është sipas shtojcës 4, bashkëlidhur këtij vendimi.

KREU III
PROCEDURAT PËR SHQYRTIMIN E KËRKESAVE DHE PËRCAKTIMI I KUSHTEVE PËR
LEJE MJEDISI TË TIPIT B

1. Kërkuesi, që aplikon në Qendrën Kombëtare të Biznesit (QKB) nëpërmjet portalit “e-Albania” për pajisjen me leje mjedisi të tipit B, duhet të dorëzojë këto dokumente:

a) Formularin informues për pajisje me leje mjedisi të tipit B, sipas shtojcës 2, bashkëlidhur këtij vendimi;

b) Mandatpagesën për tarifën përkatëse për lejen e mjedisit të tipit B, sipas nenit 25 të ligjit nr.10448, datë 14.7.2011, “Për lejet e mjedisit”;

c) çdo dokument tjetër i nevojshëm, që vërteton deklaratimet në formularin informues që kërkuesi i lejes kërkon të merret parasysh gjatë shqyrtimit të aplikimit;

ç) Shfuqizuar.

d) Raportin mbi sigurinë, në përputhje me legjislacionin në fuqi për parandalimin e rreziqeve nga aksidentet madhore, kur kërkohet.

dh) Relacionin rreth dëgjësës me publikun, sipas përcaktimit në pikën 13 të kreut VI të këtij vendimi.

...

7. Formati standard i aktit të miratimit dhe i aktit të refuzimit për lejet e mjedisit të tipit B është sipas shtojcës 5, bashkëlidhur këtij vendimi.

SHTOJCA 1

 REPUBLIKA E SHQIPËRIE MINISTRIA E MJEDISIT AGJENCIA KOMBËTARE E MJEDISIT	
Nr. ____Prot.	Datë _____
KËRKESË PËR LEJE MJEDISI Tipi A	
AGJENCIA KOMBËTARE E MJEDISIT Numri i Identifikimit të Kërkesës _____	
Emri i Kërkuesit:	
a) Person Juridik (Kompania) (Emri tregtar, Nr. NIPTI, adresa,) _____	
ose	
b) Personi Fizik (emri, mbiemri, Nr NIPT, adresa.....) _____	
Për implantin/instalimin:	
1. Titulli i instalimit (përshkruaj sipas kolonës 1 të Shtojcës 1 të Ligjit Nr. 10448, datë 14.7.2011 “Për lejet e mjedisit”, i ndryshuar) _____	
2. Përshkrimi i veprimtarisë dhe kapacitetit prodhues (përshkruaj sipas kolonës 1 dhe 2 të Shtojcës 1 të Ligjit Nr. 10448, datë 14.7.2011 “Për lejet e mjedisit”, i ndryshuar) _____	
3. Vendndodhja _____	
(Qark) _____	
(Bashki) _____	
(Komunë) _____	
Emri, titulli i personit të autorizuar _____	
(Firma, Vula) _____	
Data _____	
Tarifa e paguar në datë _____	
☐ për kërkesë për leje mjedisi	
☐ ndryshim të kushteve të lejes	

SHTOJCA 2



REPUBLIKA E SHQIPËRISE
MINISTRIA E MJEDISIT
AGJENCIA KOMBËTARE E MJEDISIT

Nr. ____ Prot.

Data _____

KËRKESË PËR LEJE MJEDISI

Tipi B

AGJENCIA KOMBËTARE E MJEDISIT

Numri i Identifikimit të Kërkesës

Emri i Kërkuesit:

- a) Person juridik (Kompania) (Emri tregtar, Nr. NIPTI, adresa,)

ose

- b) Personi Fizik (emri, mbiemri, Nr NIPT, adresa.....)

Për implantin/instalimin:

1. Titulli i instalimit (përshkruaj sipas kolumnës 1 të Shtojcës 1 të Ligjit Nr. 10448, datë 14.7.2011 "Për lejet e mjedisit" i ndryshuar) _____
2. Përshkrimi i veprimtarisë dhe kapacitetit prodhues (përshkruaj sipas kolumnës 1 dhe 2 të Shtojcës 1 të Ligjit Nr. 10448, datë 14.7.2011 "Për lejet e mjedisit" i ndryshuar) _____
3. Vendndodhja _____

(Qark)

(Bashki)

(komunë)

Emri, titulli i personit të autorizuar

(Firma, Vula)

Data

Tarifa e paguar në datë

- ☐ për kërkesë për leje mjedisi
☐ ndryshim të kushteve të lejes

SHTOJCA 4



REPUBLIKA E SHQIPËRISË
MINISTRIA E MJEDISIT

MIRATOHET

MINISTRI
LEFTER KOKA

Nr. ____ Prot.
Nr. i identifikimit të Lejes (sipas Regjistrit të AKM)

(firma, vula)
Datë _____

AKT MIRATIMI Leje Mjedisi Tipi A

Në mbështetje të Ligjit Nr. 10448, datë 14.7.2011 "Për lejet e mjedisit" dhe akteve nënligjore në zbatim të tij,

Pas shqyrtimit të Kërkesës për Leje mjedisi, AKM propozon dhënien e lejes me kushtet bashkëngjitur për Kërkuuesin si më poshtë:

a) Personi juridik (Kompania) (Emri tregtar, Nr. NIPTI, adresa)

ose

b) Personi Fizik (emri, mbiemri, Nr NIPT.....

Për impiantin/instalimin:

1. Titulli i instalimit (përshkruaj sipas kullonës 1 të Shtojcës 1 të Ligjit Nr. 10448, datë 14.7.2011 "Për lejet e mjedisit" _____
2. Përshkrimi i veprimtarisë dhe kapacitetit prodhues (përshkruaj sipas kullonës 1 dhe 2 të Shtojcës 1 të Ligjit Nr. 10448, datë 14.7.2011 "Për lejet e mjedisit" _____
3. Vendndodhja _____

Vlefshmëria e kësaj Leje dhe kushteve të saj fillon në datë _____

Tarifa e paguar në datë _____

☐ për kërkesë për leje mjedisi

☐ ndryshim të kushteve të lejes

DREJTORI I PËRGJITHSHËM I AKM
(emri, mbiemri, firma, vula)


REPUBLIKA E SHQIPËRISË
MINISTRIA E MJEDISIT

MIRATOHET

MINISTRI
LEFTER KOKA

(firma, vula)

Nr. ____ Prot.
Nr. i identifikimit të Lejes (sipas Regjistrit të AKM) _____ Datë _____

AKT MIRATIMI
Leje Mjedisi Tipi B

Në mbështetje të Ligjit Nr. 10448, datë 14.7.2011 "Për lejet e mjedisit" dhe akteve nënligjore në zbatim të tij,

Pas shqyrtimit të Kërkesës për Leje mjedisi, AKM propozon dhënien e lejes me kushtet bashkëngjitur për Kërkesuesin si më poshtë;

a) Person juridik (Kompania) (Emri tregtar, Nr. NIPTI, adresa,) _____

ose

b) Personi Fizik (emri, mbiemri, Nr NIPT.....)

Për impiantin/instalimin:

1. Titulli i instalimit (përshkruaj sipas kullonës 1 të Shtojcës 1 të Ligjit Nr. 10448, datë 14.7.2011 "Për lejet e mjedisit" _____
2. Përshkrimi i veprimtarisë dhe kapacitetit prodhues (përshkruaj sipas kullonës 1 dhe 2 të Shtojcës 1 të Ligjit Nr. 10448, datë 14.7.2011 "Për lejet e mjedisit" _____
3. Vendndodhja _____

Vlefshmëria e kësaj Leje dhe kushteve të saj fillon në datë _____

Tarifa e paguar në datë _____

☐ për kërkesë për leje mjedisi

☐ ndryshim të kushteve të lejes

DREJTORI I PËRGJITHSHËM I AKM
(emri, mbiemri, firma, vula)

III.2.14. Referuar frymës së legjislacionit për prokurimin publik, vendosja e kriterëve të veçanta për kualifikim, ka si synim kryesor që t'i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Në varësi të kontratës dhe volumit të saj autoriteti kontraktor përcakton kërkesat e veçanta për kualifikim, të cilat janë të detyrueshme për t'u përmbushur nga operatorët ekonomikë pjesëmarrës në procedurat e prokurimit. Operatorët Ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Kriteret kualifikuese të përcaktuara nga autoriteti kontraktor, janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Operatorët ekonomikë pjesëmarrës duhet të vërtetojnë se zotërojnë reputacionin, besueshmërinë, kapacitetet e konsideruara të nevojshme nga autoriteti kontraktor, për të zbatuar kontratën objekt-prokurimi. KPP sqaron, se në një procedurë prokurimi, subjekti i parë i interesuar është operatori ekonomik, i cili e përgatit ofertën e tij në përputhje me kuadrin ligjor në fuqi, dhe nga ana tjetër, është autoriteti kontraktor, i cili përzgjedh operatorin ekonomik që plotëson të gjitha kriteret e përcaktuara nga autoriteti kontraktor në dokumentet e tenderit, si dhe që ka përgatitur ofertën në përputhje me legjislacionin në fuqi. Autoriteti kontraktor do të konsiderojë një ofertë të vlefshme, vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit. Për pasojë, Komisioni gjykon, se operatorët ekonomikë pjesëmarrës në një procedurë prokurimi duhet të plotësojnë vetëm kërkesat e vendosura në dokumentet e tenderit, e rrjedhimisht, vlerësimi e kualifikimi i tyre duhet të bëhet në përputhje vetëm me këto kërkesa.

III.2.15. Nga shqyrtimi i kriterit kualifikues të përcaktuar në pikën 2.3.4 “*Kapaciteti teknik*” të shtojcës 9 “*FORMULARI I KRITEREVE TË PËRZGJEDHJES/KUALIFIKIMIT*” të dokumenteve të tenderit, të procedurës së prokurimit objekt ankimi, Komisioni konstaton se autoriteti kontraktor ka përcaktuar se operatorët ekonomikë ofertues duhet të disponojnë pajisjet e nevojshme për realizimin e shërbimit objekt prokurimi dhe konkretisht të pajisjeve si në vijim: “1. *Impiant për trajtimin me sterilizim (teknologji autoklavim ose ekuivalente)* - copë 1; 2. *Impiant për asgjësimin me incenerim* - copë 1 dhe 3. *Makineri për larjen e kontenierëve*- copë 1”, ku disponimin e këtyre pajisjeve do ta vërtetojnë duke paraqitur dokumentacionin për vërtetimin e pronësisë në rastin kur këto pajisje janë në pronësi të operatorit ekonomik ofertues, dokumentacionin e huapërdorjes në rastin kur këto pajisje janë në huapërdorje nga ana e operatorit ekonomik ofertues ose dokumentacionin e qerasë apo përdorimit në rastin e marrjes me qera apo në përdorim të këtyre pajisjeve (ku afati i qerasë apo i përdorimit të jetë minimalisht sa afati i ekzekutimit të kontratës objekt prokurimi), katalogun ose skedën teknike apo çdo dokument tjetër për secilën nga këto pajisje, deklaratën e konformitetit CE për secilën prej

këtyre pajisjeve, si dhe për të siguruar autoritetin kontraktor se këto pajisje janë te licencuara për realizimin e procesit të trajtimit të mbetjeve nga organi kompetent (referuar procesverbalit të datës 27.05.2025 “PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM” të publikuar në sistemin e prokurimeve elektronike (SPE) nga autoriteti kontraktor) ka përcaktuar se këto pajisje duhet të jenë të pasqyruara në Akt Miratimet e lëshuara nga Ministria e Turizmit dhe Mjedisit të paraqitura në përmbushje të kriterit 2.1.1 dhe 2.1.2 të përcaktuara në shtojcën 9 “*FORMULARI I KRITEREVE TË PËRZGJEDHJES/KUALIFIKIMIT*” të dokumentave të tenderit objeKT ankimi.

Gjithashtu autoriteti kontraktor ka përcaktuar se në fazën e ofertimit, operatorët ekonomikë ofertues do ta vërtetojnë disponimin e këtyre makinerive nëpërmjet dorëzimit të Shtojcës 10 “*FORMULARI PËRMBLEDHËS I VETËDEKLARIMIT*” (pjesë e dokumentave të tenderit), duke përfshirë të dhënat si vijon: “*emërtimi i impiantit / përcaktimi si primar apo back up / modeli / rrymat e mbetjeve që trajton dhe/ose asgjeson / Leja dhe Licenca përkatëse ku janë të përfshirë (nga ato të paraqitura në përmbushje të kriterit 2.1.1 dhe 2.1.2 më sipër)*”, ndërsa në rastin kur operatori ekonomik ofertues kualifikohet i pari përpara publikimit të njoftimit të fituesit dhe nisjes së afateve të ankimit duhet që të paraqesë dokumentacionin e kërkuar për të vërtetuar deklaratimet e bëra në Shtojcën 10 “*FORMULARI PËRMBLEDHËS I VETËDEKLARIMIT*” të dorëzuar në dokumentacionin e ofertës.

Ndërkohë nga shqyrtimi i kriterëve kualifikuesë të përcaktuara në pikën 2.1.1 dhe 2.1.2 “*Kapacitetin profesional të operatorëve ekonomikë*” të shtojcës 9 “*FORMULARI I KRITEREVE TË PËRZGJEDHJES/KUALIFIKIMIT*” të dokumenteve të tenderit, të procedurës së prokurimit objeKT ankimi, Komisioni konstaton se autoriteti kontraktor ka përcaktuar se operatorët ekonomikë ofertues për metodat apo teknologjitë e trajtimit të mbetjeve spitalore të ndryshme nga metoda e “*Incclerimit*” duhet që të paraqesin Leje mjedisore të tipit A (me kod III.1.C) ose Leje mjedisore të tipit B (me kod III.1.B) së bashku me Akt Miratimin përkatës dhe Licensën përkatëse të kategorisë III.2.B (*Për trajtimin e mbetjeve të rrezikshme Spitalore*) që të përfshijnë kodet e mbetjeve të rrezikshme si në vijim: “*18 01 01 - Bisturitë, shiringa, instrumente të mprehta (përveç 18 01 03); 18 01 03 - Mbetjet, grumbullimi dhe asgjësimi i të cilave kërkon trajtim të veçantë për të parandaluar infeksionet dhe 18 01 04 - Mbetjet, grumbullimi dhe asgjësimi i të cilave nuk kërkon trajtim të veçantë për të parandaluar infeksionet (psh, veshje, hedhurinat e leokoplasteve, ndërresat, veshje për të asgjësuar, pelena etj)*”, ndërkohë që autoriteti kontraktor ka përcaktuar se operatorët ekonomikë ofertues për metodën apo teknologjinë e trajtimit të mbetjeve spitalore me “*Incclerim*” duhet që të paraqesin Leje mjedisore të tipit A (me kod III.1.C) së bashku me Akt Miratimin përkatës dhe Licensën përkatëse të kategorisë III.2.B (*Për trajtimin e mbetjeve të rrezikshme Spitalore*) që të përfshijë kodin e mbetjeve të rrezikshme si në vijim: “*18 01 02 - Pjesë të trupit dhe organe, përfshirë qeset dhe konservuesit e gjakut dhe rezervat e gjakut (përveç 18 01 03)*”.

Në përfundim të analizës së këtyre kriterëve kualifikuesë, Komisioni konstaton se për përmbushjen e kriterit kualifikues të përcaktuar në pikën 2.3.4 “*Kapaciteti teknik*” të shtojcës 9 “*FORMULARI I KRITEREVE TË PËRZGJEDHJES/KUALIFIKIMIT*” të dokumenteve të

tenderit, të procedurës së prokurimit objekt ankimi, autoriteti kontraktor e konsideron të përmbushur këtë kriter kualifikues nga ana e operatorit ekonomik ofertues të kualifikuar i pari vetëm në rastin se nga ana e këtij të fundit plotësohen 4 (katër) kushte, të cilat janë kumulative dhe konkretisht ky kriter konsiderohet i plotësuar në rastin kur operatori ekonomik ofertues i kualifikuar i para paraqet dokumentacionin si në vijim: *“Dokumentacioni që vërteton disponimin e 1 (një) Impiant për trajtimin me sterilizim (teknologji autoklavim ose ekuivalente), të 1 (një) Impiant për asgjësimin me incenerim dhe të 1 (një) Makineri për larjen e kontenierëve (Kushti i parë); Katalogun apo skedën teknike të Impiantit për trajtimin me sterilizim (teknologji autoklavim ose ekuivalente), të Impiantit për asgjësimin me incenerim dhe të Makinerisë për larjen e kontenierëve (Kushti i dytë); Deklaratën e konformitetit të Impiantit për trajtimin me sterilizim (teknologji autoklavim ose ekuivalente), të Impiantit për asgjësimin me incenerim dhe të Makinerisë për larjen e kontenierëve (Kushti i tretë), si dhe Akt Miratimin e Leje mjedisore të tipit A (me kod III.1.C) ose Leje mjedisore të tipit B (me kod III.1.B), Akt Miratimin e Licensën përkatëse të kategorisë III.2.B (Për trajtimin e mbetjeve të rrezikshme Spitalore), Akt Miratimin e Leje mjedisore të tipit A (me kod III.1.C) e Akt Miratimin e Licensën përkatëse të kategorisë III.2.B (Për trajtimin e mbetjeve të rrezikshme Spitalore), ku në këto Akte Miratimi të jetë pasqyruar Impianti për trajtimin me sterilizim (teknologji autoklavim ose ekuivalente), të Impianti për asgjësimin me incenerim dhe Makinaria për larjen e kontenierëve (Kushti i katërt).”*.

III.2.16. Lidhur me pretendimin e operatorit ekonomik *“V.A.L.E RECYCLING”* SHPK, mbi kundërshtimin e vendimit të komisionit të vlerësimit të ofertave në lidhje me kualifikimin e ofertës së paraqitur prej operatorit ekonomik *“MEDI - TEL”* SHPK, të parashtruar në pikën III.2 të këtij vendimi, Komisioni konstaton se për përmbushjen e kriterit kualifikues të përcaktuar në pikën 2.1.1 *“Kapacitetin profesional të operatorëve ekonomikë”* të shtojcës 9 *“FORMULARI I KRITEREVE TË PËRZGJEDHJES/KUALIFIKIMIT”* të dokumenteve të tenderit, të procedurës së prokurimit objekt ankimi, operatori ekonomik *“MEDI-TEL”* SHPK për metodën dhe teknologjinë e trajtimit të mbetjeve spitalore të ndryshme nga metoda e *“Incelerimit”* dhe konkretisht për metodën me *“Sterilizim (autoklavë)”* ka paraqitur në dokumentacionin e ofertës dokumentat si në vijim: *“Leje mjedisi e tipit B, me kodin: III.1.B, me numër: PN-4737-03-2017, lëshuar nga Qendra Kombëtare e Biznesit për shoqërinë “MEDI-TEL” SHPK, si dhe Licensë me kodin: III.2.B, me numër: LN-9352-11-2019, lëshuar nga Qendra Kombëtare e Biznesit për shoqërinë “MEDI-TEL” SHPK shoqëruar me Akt Miratimi “Leje Mjedisori Tipi B” nr. 2533/1, datë 13.04.2018, lëshuar nga Agjencia Kombëtare e Medisit, si dhe Licensë me kodin: III.2.B, me numër: LN-9352-11-2019, lëshuar nga Qendra Kombëtare e Biznesit për shoqërinë “MEDI-TEL” SHPK, me emërtimin përshkrues të veprimtarisë: “Grumbullim, transportim, ruajtje, trajtim dhe asgjësim i mbetjeve të rrezikshme spitalore.” shoqëruar me Akt Miratimi “Licensë e kategorisë III.2.B” nr. 367, datë 08.11.2019, lëshuar nga Agjencia Kombëtare e Medisit, për subjektin “MEDI-TEL” SHPK (LC-4716) me Titull Instalimi: “Menaxhim i mbetjeve”, me*

aktivitet të licensuar: 'Grumbullimi, transportim, ruajtje, trajtim dhe asgjesim i mbetjeve të rrezikshme spitalore'.”.

Përsa i përket kriterit kualifikues të përcaktuar në pikën 2.3.4 “Kapaciteti teknik” të shtojcës 9 “*FORMULARI I KRITEREVE TË PËRZGJEDHJES/KUALIFIKIMIT*” të dokumenteve të tenderit, të procedurës së prokurimit objekt ankimi, Komisioni konstaton se në fazën e ofertimit operatori ekonomik ofertues “MEDI-TEL” SHPK ka dorëzuar Shtojcën 10 “*FORMULARI PËRMBLEDHËS I VETËDEKLARIMIT*”, ku në Seksionin B “*Pjesa III Kriteret e Përzgjedhjes/Kualifikimit*” ka deklaruar si vijon: “*XXX -Primar -Leje Mjedisore III 1 B (Tipi B)- Licence III 2 B (Per trajtimin e mbetjeve te rrezikshme Spitalore) (Autoklavim)- 18 01 01 - Bisturite, shiringa, instrumente te mprehta (pervec 18 01 03):*

18 01 03 - Mbetjet, grumbullimi dhe asgjesimi i te cilave kerkon traitim te veçante per te parandaluar infeksionet;”, ku për metodën e trajtimit të mbetjeve spitalore me “Autoklavim” disponon pajisjen e autoklavimit model “XXX” (*pajisje e cila është primare*) dhe se për këtë metodë është i pajisur me Leje Mjedisore III 1 B (Tipi B) dhe Licence III 2 B (Per trajtimin e mbetjeve te rrezikshme Spitalore) (Autoklavim) që përfshin kodet si në vijim: “*18 01 01 - Bisturite, shiringa, instrumente te mprehta (pervec 18 01 03); 18 01 03 - Mbetjet, grumbullimi dhe asgjesimi i te cilave kerkon traitim te veçante per te parandaluar infeksionet;*”, duke e plotësuar këtë kriter kualifikues.

Ndërkohe nga shqyrtimi i dokumentacionin fizik të dorëzuar nga ana e operatorit ekonomik ofertues “MEDI-TEL” SHPK të dërguar nga autoriteti kontraktor me me shkresën nr. 1661/8 prot., datë 29.30.2025, protokolluar me tonën me nr.1944/3 prot., datë 30.07.2025, Komisioni konstaton se për përmbushje të deklarimeve të bëra më sipër, ky operator ekonomik ofertues ka paraqitur Leje mjedisi e tipit B, me kodin: III.1.B, me numër: PN-4737-03-2017, lëshuar nga Qendra Kombëtare e Biznesit për shoqërinë “MEDI-TEL” SHPK, shoqëruar me Akt Miratimi “Leje Mjedisori Tipi B” nr. 2533/1, datë 13.04.2018, lëshuar nga Agjencia Kombëtare e Medisit, si dhe Licensë me kodin: III.2.B, me numër: LN-9352-11-2019, lëshuar nga Qendra Kombëtare e Biznesit për shoqërinë “MEDI-TEL” SHPK, me emërtimin përshkrues të veprimtarisë: “Grumbullim, transportim, ruajtje, trajtim dhe asgjesim i mbetjeve të rrezikshme spitalore.” shoqëruar me Akt Miratimi “Licensë e kategorisë III.2.B” nr. 367, datë 08.11.2019, lëshuar nga Agjencia Kombëtare e Medisit, për subjektin “MEDI-TEL” SHPK (LC-4716) me Titull Instalimi: “Menaxhim i mbetjeve”, me aktivitet të licensuar: ‘Grumbullimi, transportim, ruajtje, trajtim dhe asgjesim i mbetjeve të rrezikshme spitalore’, ku nga shqyrtimi i Akt Miratimi “Leje Mjedisori Tipi B” nr. 2533/1, datë 13.04.2018, lëshuar nga Agjencia Kombëtare e Medisit dhe Akt Miratimi “Licensë e kategorisë III.2.B” nr. 367, datë 08.11.2019, lëshuar nga Agjencia Kombëtare e Medisit, për subjektin “MEDI-TEL” SHPK konstatohet se në asnjë rubrikë të këtyre akteve të miratimit nuk është pasqyruar që për metodën e trajtimit të mbetjeve spitalore me “Autoklavim” të jetë e instaluar impianti për trajtimin me sterilizim (*teknologji autoklavim ose ekuivalente*) i modelit “XXX”, sikurse ka deklaruar ky operator ekonomik ofertues në fazën e ofertimit.

Për më tepër, referuar shkresës nr. 8804/1 prot, datë 20.08.2025, të Agjencisë Kombëtare të Mjedisit, protokolluar me tonën me nr. 1944/12 prot, datë 22.08.2025, Komisioni konstaton aktet e miratimit janë sipas formatit të miratuar me VKM-në Nr. 419, datë 25.6.2014 "*Për miratimin e kërkesave të posaçme për shqyrtimin e kërkesave për leje mjedisi të tipave a, b dhe c, për transferimin e lejeve nga një subjekt te tjetri, të kushteve për lejet respektive të mjedisit, si dhe rregullave të hollësishme për shqyrtimin e tyre nga autoritetet kompetente deri në lëshimin e këtyre lejeve nga QKL-ja*", e ndryshuar dhe VKM-së Nr.538, datë 26.5.2009 "*Për licencat dhe lejet që trajtohen nga apo nëpërmjet Qendrës Kombëtare të Licencimit (QKL) dhe disa rregullime të tjera nënligjore të përbashketa*", e ndryshuar, dhe se këto akte përmbajnë përshkrimin e veprimtarisë sipas vetdeklarimeve të subjekteve, ku në rastin konkret subjekti për të cilin janë miratuar këto akte nuk ka deklaruar llojin, modelin dhe kapacitetin e impiantit për traktimin e metjeve spitalore me metodën "Autoklavim".

Përsa më sipër, referuar pretendimit të operatorit ekonomik ankimues, argumentimit të kriterit kualifikues dhe dokumentacionit fizik të dorëzuar nga operatori ekonomik ofertues "MEDI-TEL" SHPK, Komisioni gjykon se ky i fundit nuk e plotëson kriterin kualifikues të përcaktuar në pikën 2.3.4 "*Kapaciteti teknik*" të shtojcës 9 "*FORMULARI I KRITEREVE TË PËRZGJEDHJES/KUALIFIKIMIT*" të dokumenteve të tenderit, të procedurës së prokurimit objekt ankimi, pasi në Akt Miratimin "Leje Mjedisi Tipi B" nr. 2533/1, datë 13.04.2018, lëshuar nga Agjencia Kombëtare e Mjedisit dhe në Akt Miratimi "Licensë e kategorisë III.2.B" nr. 367, datë 08.11.2019, lëshuar nga Agjencia Kombëtare e Mjedisit, për subjektin nuk evidentohet se për metodën e trajtimit të metjeve spitalore me "Autoklavim" në këto akte të jetë e pasqyruar që ky subjekt ka të instaluar impianti për trajtimin me sterilizim (*teknologji autoklavim ose ekuivalente*) i modelit "*ECODAS T300*", duke mos plotësuar kushtin e katër kumulativ të përmendur në pikën III.2.15. të këtij vendimi dhe për më tepër në përgjigjen e Komisioni i Shqyrtimit të Ankesave pranë autoritetit kontraktor Operatori i Blerjeve të Përqëndruara SH.A referuar shkresës nr. 1661/8 prot., datë 29.30.2025, protokolluar me tonën me nr.1944/3 prot., datë 30.07.2025 ku evidenton si në vijim: "Komisioni i Shqyrtimit të Ankesave, pasi mori në shqyrtim dokumentacionin e paraqitur në sistemin e prokurimit elektronik nga operatori ekonomik i shpallur fitues paraparak, "Medi-Tel" shpk konstaton se ky i fundit, në përmbushje të kriterit të sipërcituar, ka paraqitur dokumentacionin që zotëron mjetet e kërkuara, të dhënat teknike si dhe pasqyrimin e tyre në aktet e miratimeve të lëshuara nga Ministria e Turizmit dhe Mjedisit, për lejet dhe licensat.", nuk evedentohet se në cilën rubrikë të akt miratimeve të sipërpërmendura është pasqyruar instalimi i impianti për trajtimin me sterilizim (*teknologji autoklavim ose ekuivalente*) i modelit "XXX".

Përsa më sipër, pretendimi i operatorit ekonomik ankimues "*V.A.L.E RECYCLING*" SHPK, për skualifikimin e ofertës së paraqitur prej operatorit ekonomik "*MEDI - TEL*" SHPK qëndron.

III.3. Lidhur me pretendimet e operatorit ekonomik ankimues "*V.A.L.E RECYCLING*" SHPK. mbi kualifikimin e shoqërisë "*MEDI - TEL*" SHPK, Komisioni i Prokurimit Publik, gjykon se nuk do të merren në shqyrtim pasi, referuar gjykimit mësipër në pikën III.2.16., gjendja faktike dhe

juridike e operatorit ekonomik “*MEDI - TEL*” SHPK do të ndryshojë, duke u skualifikuar nga procedura në fjalë, e rrjedhimisht duke përmbushur interesin e ankimuesit.

Për sa më sipër, në mbështetje të neneve 30, dhe 118 të ligjit nr. 162/2020 “Për Prokurimin Publik”, i ndryshuar, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimit të Këshillit të Ministrave nr. 236, datë 20.04.2023 “Për përcaktimin e rregullave dhe tarifës së pagesës për ankimin në një procedurë prokurimi pranë Komisionit të Prokurimit Publik”, Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave “Për Organizimin dhe Funksionimin e Komisionit të Prokurimit Publik”, nenit 4, të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, njëzëri,

Vendos:

1. Të mbyllë çështjen për pjesën e pranuar të ankesës së operatorit ekonomik “*V.A.L.E RECYCLING*” SHPK në procedurën e prokurimit “*E hapur, mbi kufirin e lartë monetar*” me Nr. REF-49235-05-27- 2025 me objekt: “*Evadim, trajtim dhe asgjësim i mbetjeve të rrezikshme spitalore në S.U.O.Gj “Mbretëresha Geraldinë” Tiranë*”, me fond limit 18,300,000.00 lekë pa TVSH, zhvilluar me datë 27.06.2025 nga autoriteti kontraktor Operatori i Blerjeve të Përqendruara SH.A.
2. Të pranojë ankesën e operatorit ekonomik “*V.A.L.E RECYCLING*” SHPK në procedurën e prokurimit “*E hapur, mbi kufirin e lartë monetar*” me Nr. REF-49235-05-27- 2025 me objekt: “*Evadim, trajtim dhe asgjësim i mbetjeve të rrezikshme spitalore në S.U.O.Gj “Mbretëresha Geraldinë” Tiranë*”, me fond limit 18,300,000.00 lekë pa TVSH, zhvilluar me datë 27.06.2025 nga autoriteti kontraktor Operatori i Blerjeve të Përqendruara SH.A.
3. Autoriteti kontraktor të kualifikojë operatorin ekonomik “*V.A.L.E RECYCLING*” SHPK, në zbatim të vendimit të Komisionit të Shqyrtimit të Ankesave referuar shkresës nr. 1661/8 prot., datë 29.30.2025,.
4. Autoriteti kontraktor të anulojë vendimin e KVO-së mbi kualifikimin e operatorit ekonomik “*MEDI - TEL*” SHPK, si dhe të korrigjojë shkeljet, duke e skualifikuar këtë operator ekonomik.
5. Autoriteti kontraktor, brenda 5 ditëve të vërë në dijeni Komisionin e Prokurimit Publik për zbatimin e vendimit, duke dokumentuar veprimet e kryera.

6. Ngarkohet zyra e financës të bëjë kthimin e tarifës financiare të paguar nga operatori ekonomik “V.A.L.E RECYCLING” SHPK.
7. Kundër këtij vendimi mund të bëhet ankim në Gjykatën Administrative të Apelit
8. Kopje e këtij vendimi i dërgohet për njoftim Agjencisë së Prokurimit Publik.
Ky vendim hyn në fuqi menjëherë.

KOMISIONI I PROKURIMIT PUBLIK

Anëtar
Kreshnik Ternova

Anëtar
Gjergj Mersini

Anëtar
Anila Malaj

Nëkryetar
Fiorent Zguro

